

**Anatomicus curiosus theodidaktos hoc est: methodus secandi cadavera Hippocratica Democritaea ... / [Barthold Kruger].**

**Contributors**

Kruger, Barthold, 1653-

**Publication/Creation**

Brunopoli : Literis Henrici Kesleri, 1700.

**Persistent URL**

<https://wellcomecollection.org/works/asvnmb74>

**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>





MEDICAL SOCIETY  
OF LONDON



ACCESSION NUMBER

PRESS MARK

KRUEGER, B.

62709/13




18  
27  
~~27~~

0  
C. 13.



62709/13



T8



*J. N. R. J.*

ANATOMICUS  
CURIOSUS ΘΕΟ-  
ΔΙΑΚΤΟΣ

*Hoc est :*

METHODUS secandi cadavera  
HIPPOCRATICA Democritæa.

*AUTORE*

BARTHOLDO KRVGER U. M. D.

*Augustinus :*

Domine JESU, da mihi nosse me  
& nosse Te.

SOCIETY OF LONDON MEDICAL  
NΩΘI



SEATTON.

---

BRUNOPOLI,  
Literis HENRICI KESLERI,  
ANNO C. M CCCM.



SERENISSIMO PRINCIPI ET DOMINO,

DN. AUGUSTO  
WILHELMO

JUSTO. PIO. PRUDENTI.  
DUCI BRUNSVICENSI & LUNÆB.

DOMINO SUO CLEMENTISSIMO.

Monumentum hoc Anatomicum  
*humillimè consecrat*

AUTOR

*Anatome se ipsam noscendi Magistra.*





## SERENISSIME PRINCEPS, Domine Clementissime



*Πιστον ὑγιαίνειν* dixerunt veteres ; quia in-  
 tegra corporis valetudine frui homini  
 ad cæterarum in hâc mortali vitâ usum  
 nihil magis necessarium. Quid princi-  
 patus, quid honores, divitiæ, quid deniq;  
 virtus, ac disciplinæ omnes, si hisce fru-  
 endi desit facultas ? ob usum enim quid-  
 quid possidemus bonum judicamus, is si absit etiam maxima  
 nullius pretii sunt : minima verò bona si commodè iis frui  
 liceat maximi pretii existunt. Quid quæso ægroto regna,  
 divitiæ, honores, sapientia aliæq; animi dotes excellentes.  
 Quid mens sana corpori infirmo commodi præstat, nisi quod  
 intellectu calamitatis suæ, in quâ versatur & metu mortis ma-  
 gis excrucietur. Quamobrem graves causæ sunt, quod sa-  
 nitatem perfectam omnibus corporis donis præferamus, ac  
 infelicissimum judicemus, qui eâ destituitur. Est enim bona




corporis valetudo cæterorum bonorum omnium perfectio, quâ sine in vitâ nullum solidum, aut integrum existit gaudium. Hinc medicina, quæ sanitatem præsentem tuetur & amissam restituit, apud omnes etiam barbaros homines omnibus seculis in magno fuit pretio.

Maximè verò ea medicinæ pars, quæ ἀνατομή dicitur, & partium humani corporis fabricam explicat, quam olim reges principesq; studiosè coluerunt, quos neque puduit publicè sectionibus manus adhibere, & frequenter iis interesse ac præesse, ut de Hippocrate legimus, qui ab Æsculapio & Hercule oriundus hanc artem per manus familiæ suæ tradidit, ut eam à majoribus suis magna ex parte acceperat. Idem de Arabum regum familiis legimus, qui vastata Græcia, & disciplinis ac studio medico extincto; summâ diligentiam hanc artem excolere & exornare ceperunt, quemadmodum ex ipsorum scriptis, quæ à principibus viris maxima ex parte collecta & conscripta sunt, videre nobis licet. Etenim quid opus est exemplis hujus artis divinæ dignitatem & majestatem commendare, cum per se satis digna sit quæ ametur, & ab omnibus colatur, siquidem in contemplatione ejus corporis & objecti versatur, quod ad Dei omnipotentis imaginem conditum est, in quo radii lucent divinæ sapientiæ, Dei quæ organum est: Divini igitur corporis structuram investigare & demonstrare divinum est opus. Verè ac piè, & si ethnicus fuerit, Galenus *lib. 3. De Usu partium cap. 10.* vocavit ἱερὸν λόγον, & verum conditoris nostri speculum anatomen humani corporis, existimatque in eo veram esse positam pietatem seu θεοσφορίαν. Si quis hanc artem primus noverit aliisque demonstraverit, quænam sit ipsius conditoris in fabricâ hujus corporis sapientia, virtus & excellentia: quod enim cultû conveniente omnia exornare,



ornare , nihilque suis beneficiis privatum esse voluerit id perfectissimæ bonitatis specimen esse hoc loco statuit Galenus. Convincimur enim ex contemplatione fabricæ hujus , partiumque omnium usu , divinum fuisse hujus operis Architectum, qvi singulari & sapientiâ, & arte insigni omnes particulas ita efformavit & disposuit, ut aptius & præclarius usuique accommodatiùs inveniri & excogitari potuisset nihil. Si quis est mundi ornatus & utilitas (ut profectò est maxima) præstat sanè his omnibus corpus humanum, quod propterea *μικροκόσμον* nominârunt sapientes ; quod in unum hominem , totius mundi elegantiam, ornatum ac sapientiam concluferit DEUS optimus maximus. Qvis igitur hoc opus non admiretur divinum ? hominem sanè haut dixeris, qvi hujus notitiâ non ducatur , afficiatur aut delectetur. Etenim aliarum rerum contemplationi operam dare , sui autem ipsius, nullam habere notitiam, aut seipsum ignorare, turpissimum est , ut habet oraculum Delphicum ; *γνώθι σεαυτον* : quod non solum ethicè, sed & physicè intelligendum esse arbitror. Docet enim nos ipsa corporis structura, de humanæ naturæ fragilitate quàm levi momento homo animal divinum in gravissimos incidat morbos, si corporis negligentior fuerit, quos maximos etiam ut sæpiùs notitia sui facile evitare , ( in diæta ) ita in eisdem negligentia sui incurrere in proclivi est. Quare pias mentes hæc doctrina primò ad DEI creatoris universi reverentiam, & veram pietatem , deinde ad vitæ temperantiam & modestiam excuscat, commonetque ne sacrum illud Dei domicilium improbis ac turpibus flagitiis polluamus, prostituamus, aut temerè profanemus , sed sacrosanctum corpus piis usibus religiosè destinare semper studeamus, ne Spiritum S. hoc suo domicilio protervè excutiamus. Ad sanitatem tuendam





non mediocriter nos juvat. Is siquidem cui corporis proprii natura nota & perspecta est, (quemadmodum architecto domus, quam exstruxit) si contingat corpus vitari, facilius, ac melius id reparabit, & morbos effugiet quam alius, cui corporis ratio ignota est; quia cujusque sanitas ex notitiâ sui maximè dependet.

Memini Vestr: Cels: ex me sæpiùs de interioribus humani corporis partibus curiosè quærere, quod mihi facit spem hanc methodum secandi, quâ paucis universam anatomem complector Seren: Vestr: ut honestarum artium ac disciplinarum omnium Mœcenati liberalissimè gratum & acceptum fore, utque sit reverenter oro.

Postremò Deum Opt: Max. Vestr: Seren: ut diu incolumem conservet omnibus bonis animi & corporis Illustrem, ac insigni laude pietatis, justitiaque florentem tueatur toto pectore oro, ut Vestr: Celsit. anchora sacra salutis publicæ vigeat & contrà adversarios consistat. Bruno-  
poli die 1. Jan: A. C. 1700.

Vestr: Seren:

*Humillimus Medicus*

Bartholdus Krvger D.

---

Illustrissimi & Seculi Moderni Consummatissimi Medici, Excellentissimi DN. GEORGI WOLFGANGI WEDELI; Sacri Palat: Cæs: Comit: M. D. Hæreditarii in Schwarza. Consilarii & Archiatri Saxonici, P. P. Domini Patroni Clementissimi Censuræ Anatomicum Curiosum seu Methodum secandi offero:  
*Ut debitum monumentum pro gratiosissimâ informatione tam publicâ, quàm privatâ, & privatisimâ. (Domesticâq.)*



Lecturis, quibus seipfos noscendi cupido cordi est,

S. & O.

(*Speculum microcosmi representat Christus crucifixus.*)

**Q**uantam humani corporis inspectio tùm in quovis studiò, tùm maximè medicò, utilitatem de se spargat, notorium est.

Id tamen maximè, qui in anatomia hospites, non dicam stipites multorum hominum strage funerumque frequentia, ast post festum, (*scilicet poliatrì*) testantur, quantum nempè sit, quod sciunt; quantum autem ex adversò, quod ignorant (*Doctores Bullati*) (*vid. Paracelsus L. singulari de Poliatris.*) Nobis cadaveris humani contemplatio sit religiosa vite nostra speculatio.

Mens, cristas erigere aliosq; contemnere, prona; in vili, caducò & fragili se hospitari diversorio, vel momento relinquendò, cogitet, ac divina particeps aure terrena despiciat, divina semper meditetur, nec quidquam, nisi conditori gratum, concipiat. Corpus; hominem animal divinum constituens, immortalì ac divinò sese dignum gerat hospite, nec membra in injustitia peccatorumq; ministerium commodet, fragilitatis suae, cui nullo non temporis punctò expositum vivit, semper memor.

Capilli: fluxilium vanarumq; curarum & cogitationum fantasmata abjicienda nobis demonstrent, gnaris, neq; crinem de capite nostro sine Patris cœlestis indultu in terram prolapsurum. Frons exporrecta candorem & benevolam proximo promptitudinem semper testetur; corrugata scelerum praeferat fastidium.

Cerebrum divina mentis nostrae arx, circumspectam in actionibus prudentiam piamq; industriam nobis commendat, ne tam facile à probò nostrò instituto vertigine quâdam deturbemur; aut altum securitatis lethargum nobis obrepere patiamur. Oculi fugiant irritamenta libidinum hinc inde vagantium; & in superno corporis locati (*vigiliarum loco*) superna contemplantur, & universi hujus contemplatione (*ἀνεξερεύνητον*) inscrutabilem Creatoris sapientiam, omnipotentiam (*creandi ex nihilo*) prudentiamq; admirandam animo suppeditent (*receptione per divinam imaginem*) quasi speculum animae & animi. Aures: aqvis proximi opem nostram quærentes desideriiis patulae sint semper, non obse-rata: sed mysteria divina audientes (*dies noctesque.*)

Nares: rerum novarum pruritu abstineant. Os & lingua ad impia & veris Christianis indigna obmutescant. (*Quæ auribus piis indigna sunt, ex ore pio non egrediantur.*) Soluta sint in hymnis ac piis Votis Deo reddendis, divinisq; modulationibus simul inserviat palatum (*epiglottis: plectrum vocis.*)

Collum intuentes fastuosae & elatas cervices humiliandas & divini obsequii

jugo



iugo subjiciendas recordemur. Pectus uti corporis nostri sanctuarium, ita continua in illo precum thura bonæ odores fragrantia spirantia perpetim halent. Dorsum mundi vanitatibus aliisq; blandimentis & illecebris obvertamus (tanquam renati per verbum & Spiritum S.) Stomachus Bacco & Cereere plus æquo inebriatus, ad meliorem sobrietatis & temperantiæ frugem reducendus (siquidem inediâ & temperantiâ multi præservantur morbi.) Viscera: ut sumtum per os alimentum præparant, digerunt, ex eoque laudabile attrahunt; inutile eliminant (exernendo) ita lecta & audita probare, probata tenere & in succum & sanguinem convertere; inutilia futiliaque ast ventis super ævora portanda per mare tradere decet. Hepar & Lien; sanguinis & seri depurationi præprimis inservientia viscera, mutuasque sibi operas quasi cooperantia in opere secundo sanguificationis &c. nobis quoq; invicem subveniendi, oneris partem sublevandi & suum cuiq; tribuendi pii nos admonent officii; nec ob levia proximi errata bilem statim commoveamus (p. n. effervescentiâ.) Cor officina sanguificationis & generationis spirituum vitalium; maneat in æternum officina Spiritus S. qui est archæus & præses perpetuus microcosmi. Renes in abditis licet, intimis & undiq; munitis occulti lateant latebris, Deum scrutatorem omnium adorare debent. Genitalia mascula: mares nos esse monent; hoc est: fortes, alacres, cordatos, ne duris frangamur, felicibus efferamur, sed muneri demandato ita præsimus, ut Deo fidamus unice: Fidentem nescit deseruisse Deus. Equum observemus, neminem (rectè faciendo & piè vivendo) timeamus! Muliebria: nostram nobis demonstrant originem domum limò & □ urinâ circum septam. Arrogantes ergò sublimia quid attollimus supercilia? Manus nostræ sunt oculatæ, credunt quod vident; avaritiam rabidò cane pejus & angue fugiant: (tanquam radicem omnis mali!) bonum ac utile conficiant, ad egenorum solatium. Puræ ad honorem Dei eleventur in oratione Dominicâ: puræ servantur conscientie & vocationi nostræ. Pedes ambulant innocentes in viis Domini sanctaque Dei tabernacula frequentare gestiant. Firmi stemus in veræ pietatis semitâ non titubanter aut vacillantes. (Pietas ad omnia utilis & habet divinam promissionem hujus & æternæ vitæ.) Calcaneus infirmitatem nostram & innatum mundi amorem nobis inculcat; quem ut Christus nobis eximat; (Per mortificationem spiritualem seu imitationem passionis & mortis Christi vid: D. Thomas à Kempis.) Qui sequitur me nunquam ambulat in tenebris dicit Dominus: atque infernalis serpentis morsus, illecebrasque avertat dissipetque; ardentibus ipsum debemus sollicitare suspiriis. Ecce! instrumenta bonorum operum quæ fluunt ex verâ pietate & confirmant fidem. Adpias hasce meditationes manu quasi ducimur corporis nostri speculatione. Sapienti sat!



# MYOLOGIA.

Nomen:

Initium:

Insertio:

Usus:

Frontales:

ab initio pilorum frontis:

in supercilium:

rugant frontem.

Occipitales:

à medio ossis occipitis:

ultra suturam lamdoidē: rugant cutem occipitis.

## Palpebrarum:

Elevatores:

à foramine orbitæ oculorum: in Tarton palpebra:

elevant palpebras.

Constrictores superior:

circumduc: orbita ulteriùs: ad latitudinem.

constringunt oculos.

Constrictores inferior:

## Nasi:

Elevatores recti:

à summitate nasi:

-- --

attollunt.

Elev: obliqui communes labio:

à imo osse maxilla super:

in ejusdem alas

attollunt obliquè.

Dilatatores:

Circumducuntur alis nasi:

internè:

dilatant

nasum.

Constrictores:

--

--

externè:

constringunt

## Oculorum:

Superbi:

--

--

--

--

--

--

attollunt.

Humiles:

--

--

--

--

--

--

deprimunt.

Bibitores:

--

--

--

--

--

--

adducunt.

Indignatores:

--

--

--

--

--

--

abducunt.

Amatores superiores; ibid: ast firmantur trochleari: ligam: in 3. osse max: sup:

obliq<sub>3</sub> elevant.

Amatores inferiores; in secundà suturà in orbita: ad iridem.

obliq<sub>3</sub> deprimunt.

## Auris externæ:

Levatores:

à frontali musculo:

in auris part: sup: anteriùs.

obliq<sub>3</sub> anteriùs elevant.

Lateralis 3. portienū:

ab occipitali musculo:

in auris partem posteriorem.

posteriùs movent.

## Auris internæ:

Externus:

Ex memb: in meatu auditorio. fertur in tympanum: Trahit tympanum exterius.

Internus:

reconditus intrà os.

in cervicem mallei.

Mallenm trahit, attollit.

## Labiorum:

Levatores communes naso:

--

--

--

--

--

attollunt labium.

Levatores alii duo:

--

--

--

--

--

deprimunt.

Depressores primi:

--

--

--

--

--

Depressores secundi:

--

--

--

--

--

Levatores s. adductores:

--

--

--

--

--

attollunt

Zygomatici s. jugales:

--

--

--

--

--

constringunt

Basiatores:

--

--

--

--

--

os.

(A)



## Nomen:

## Initium:

## Insertio:

## Ufus.

### Maxillæ inferioris:

<i>Crotaphites, Temporales</i> , ab osse temporum:		in processum maxillæ infer:	} attollunt maxillam inferiorem.
<i>Masseteres, Laterales</i> , ab osse jugali:		in margin: infer: maxillæ inferioris;	
<i>Digastrici, Biventre</i> , à processu maxillæ formi:		in menti partem internam	} deprimunt eam.
<i>Quadratis, platysma-myodes</i> : à scapulâ, clavi spinâ & 3. pectoris costâ;		in maxillam inferiorem	
<i>Pterigoides interni</i> ; à processu alari externo:		in processum condylum	} Rotant eam.
<i>Pterigoides externi</i> ; à processu alari interno:		in partem post: maxillæ inf:	
<i>Buccinatores</i> ; à maxillâ superiori:		in inferiori maxill: internè: intrò pellunt genam.	

### Capitis communes:

(Stoideum:

<i>Splenii :</i>	à 5. spinis toracis & 5. cervicis ;	in occip: propè process: ma-	}	}
<i>Complexi :</i>	à 1. transversâ torac: & 4. cerv: in occip: latè ad dict: process:			
<i>Recti majores ;</i>	à secundâ spinâ cervicis :	} in occiput	}	} erigunt caput.
<i>Recti minores ;</i>	à tuberculis primæ :			
<i>Obliqui superiores :</i>	à medio occipite :	in processum transv: primæ	}	} circumag. cap.
<i>Obliqui inferiores :</i>	à spina 2. 3.	in transversum primæ ;		
<i>Mastoidei :</i>	à capulâ sterni, carne claviæ ;	in process: mam. miformem ;	} flectunt caput.	

### Cervicis:

<i>Transversales</i> :	à 6. toracis transv: processibus;	in transversos cervicis.	}	} Tendunt cervicē
<i>Spinati</i> :	à 7. toracis & 5. colli spinis:	in 1. cervicis spinam.		
<i>Longi</i> :	à vertebra inferiori colli:	in ejusdem superiores.	}	} flectunt cervicē.
<i>Scaleni</i> :	à primâ pectoris costâ antèrius:	in colli vertebra antèrius.		

### Toracis antèrius:

<i>Pectorales</i> :	à clavic. 5. & 6. costâ:	in mediū humerum adduc: humerū introrsū.	}	}
<i>Serrati antici super:</i>	à 2. 3. & 4. costâ:	in process: ancyroid. adduc: scapulam pectori.		
<i>Serr: antici inferiores</i> :	ab 8. costis intermediis:	in basin scapulæ: adducunt scapulam.	}	}
<i>Subclavii</i> :	à margine latiori claviculæ;	in primam costam ad sternum.		
<i>Intercostales externi</i> :	à margine inferiori costæ super:	in marg: sup: costæ inf:	}	} inserviunt inspir: expirationi.
<i>Intercostales interni</i> :	à margin: superiori costæ infer:	in marg: inf: costæ sup:		

### Toracis posterius:

<i>Latisimus dorsi</i> :	ab costâ usq; ad os sacrum;	infrâ caput humeri: hum: abduc: dorsumq;	}	}
<i>Serrati postici super:</i>	à 1. spinâ toracis & 3. cervicis.	in 3. superiores costas		
<i>Serr: postici inferiores</i> :	à 3. ultimis toracis spinis:	in 4. ultimas costas	}	} elevant cost: propter in-
<i>Sacrolumbi</i> :	} ab osse sacro	in quamvis costam suis		
<i>Longissimi</i> :		tendinibus	}	} erigunt totum corpus.
<i>Semispinati</i> :		in quemlibet processum spi-		

### Lumborum:

<i>Sacri</i> :	ab osse sacro externè:	in process: transversos vertebra lumborum:	}	} erigunt vertebra lumbor:
<i>Quadrati</i> :	ab osse sacro & ileo internè:	in ultimam toracis costam: depr: ult: costam.		



**Nomen:**

**Initium:**

**Insertio:**

**Ufus:**

**Abdominis:**

Obliq <sup>3</sup> descendentes:	à costis ubi desinit serratus:	in ileum & lineam albam.	} Comprimunt partes abdominis internas.
Obliq <sup>3</sup> ascendentes:	ab ileo:	in costas inferiores & lin <sup>3</sup> alb:	
Transversales:	à processibus transv. lumb:	in lineam albam.	
Recti:	ab osse pubis:	in cartilaginem mucronatā.	
Pyramidales:		in lineam albam.	

**Artuum & scapulæ:**

(transversum.

Cucullares:	ab 8. spinis tor. omnibusq <sup>3</sup> cervicis:	in clav: hum: scap: spin: trahunt sursum deorsū
Rhomboides:	à spinā 1. toracis & 3. cervicis:	in basin scapulae. retr: elevando scap: parū.
Levatores:	à transversis: 2. 3. & 4. cervicis:	in angulū sup: scapula: elevant scapulam.

**Humeri:**

Deltoides:	à clavic: summo hum: spin: scap.	} in medium humerum	} elevant humerum.
Coracoides, ancyroides:	ab ancyroide processu:		
Rotundi major:	ab angulō inferiori scapulae:	} infrā caput humeri.	} deprimunt parū versū posterius.
Rotundi minor:	à cervice scapulae:		
Suprà spinati:	à basi scapulae juxtā spinam:	in 5. Ligamentum.	} conjungit humerum circumagunt humerum.
Infrā spinati:	à basi spinæ infrā:	in 4. ligamentum.	
Immersi, inf: scapulares:	à basi; ast externè:	in 3. ligamentum.	

**Cubiti:**

Bicipites:	ab acetabulo & processū ancyroide:	in olecranium seu cubitum.	} flectunt ulnam.
Brachiei interni:	à medio humero:	in ulnam & ligamentum.	
Longi extensores:	à cervice scapulae & infrā caput:	} in olecranium.	} extendunt cubitum.
Breves:	à medio humero:		

**Radii:**

Rotundi:	} Pronatores:	à tuberculo interno humeri:	in medium radium.	} Pronant.
Quadrati:		ab ulna parte infernā internāq <sup>3</sup> :	in radii partem int: inferiōrē	
Longi:	} Supinatores:	à medio ferē humero:	in radii partem infernam	} supinant.
Breves:		à ligam: humeri & capite ulnae:	in medium radium	
Anconei, brachiei externi:	ibidem:		in ipsam ulnam:	[extendunt cubitum.]

**Carpi & metacarpi:**

Flexores interni:	} à tuberculo humeri interno:	} in ossicula carpi.
Flexores externi:		
Palmares:		ad digitorum radices.
Extensores interni:	} à tuberculo humeri externo:	} in ossa metacarpi.
Extensores externi:		

**Digitorum:**

Perforantes 4.	} à tuberculo humeri interno:	} in tertium internodium.
Perforati 4.		
Lumbricales 4.		
Extensores 3. internodii:	} à tuberculo humeri externò:	} in 1. & 2. internodium.
Extens: 2. 4. internodii:		
Interossei interni 3.	} inter ossa metacarpi:	} in 1. & 2. internodium.
Interossei externi 3.		



**Nomen:**

**Initium:**

**Insertio:**

**Ufus:**

**Pollicis:**

<i>Flexor 3<sup>ti</sup> internodii</i> nō: 1.	à medio radio:	--	<i>in tertium internodium.</i>
2 <sup>di</sup> : nō: 2.	à ligamento annulari:		<i>in secundum.</i>
1 <sup>mi</sup> : nō: 4.	ab ossibus metacarpi transversè:		<i>in primum.</i>
<i>Extens:</i> 2 <sup>di</sup> est q <sub>3</sub> nō: 2.	à mediò radiò:		<i>in primum &amp; secundum.</i>
<i>Adductores:</i> nō: 1.	à metacarpo indici subjecto:		<i>in primum pollicis.</i>

**Indicis:**

<i>Indicadores:</i> nō: 1.	à mediò cubitò:	--	<i>in secundum internodium.</i>
----------------------------	-----------------	----	---------------------------------

**Auricularis:**

<i>Abductores:</i> nō: 2.	ab ossibus carpi:	}	<i>in primum internodium.</i>
<i>Adductor specialis:</i>	ab osse ei subjecto metacarpi:		

**Pedum & femoris:**

<i>Psoas:</i>	ad 2. toracis & omnium vertebr. lumb:	}	<i>in rotatores minores: } flexores 4. femoris.</i>
<i>Iliaci interni:</i>	à supercilio ilei interni:		
<i>Tricipites:</i>	ab osse pubis & coxendicis:		<i>in lineam asperam.</i>
<i>Lividi:</i>	inter secundum tuberculum & os pubis:		<i>in medium femoris: adducunt.</i>
<i>Glutei majores:</i>	à supernâ & post: ilei regione:		<i>in medium usq<sub>3</sub> femur: } extensores tres.</i>
<i>Medii:</i>	à mediâ:		<i>in rotatorem majorem:</i>
<i>Minimi:</i>	ab infernâ:		<i>ibidem.</i>
<i>Pyramiformis:</i>	ab osse sacro:	--	<i>in cavitatem rotatoris</i>
<i>Obturator externus:</i>	à foramine pubis externè:		<i>in rotatorem majorem: } Circumductores 4.</i>
<i>Obturator internus:</i>	à foramine pubis internè:		
<i>Quadratus:</i>	sub foram: ab osse ischii & pubis; sub rotatore majore.		

**Cruris:**

<i>Membranosi:</i>	<i>ab osse ilei anteriùs superiùs;</i>	<i>in totum crus &amp; femur:</i>	}	<i>extensores tibia</i> <i>quinq<sub>3</sub>.</i>	
<i>Recti:</i>	<i>à tuberculò secundò ilei;</i>	<i>sub genu.</i>			
<i>Vasti interni:</i>	<i>sub rotatore internè:</i>	}			<i>infra patellam:</i>
<i>Vasti externi:</i>	<i>sub rotatore externè:</i>				
<i>Crurei:</i>	<i>inter duos rotatores:</i>				
<i>Fasciales, sartorii:</i>	<i>à tuberculo primo ilei:</i>	<i>infra patellam.</i>	}	<i>flexores tibia</i> <i>quinq<sub>3</sub>.</i>	
<i>Graciles:</i>	<i>à suturâ ossis pubis;</i>	<i>sub genu (uti Sartorius:)</i>			
<i>Semi nervosi:</i>	}	}			<i>sub genu:</i>
<i>Semi membranosi:</i>					
<i>Bicipites:</i>	<i>ab osse pubis &amp; coxendicis, alt: cap: à medio ferè fem:</i>				
<i>Supplitei:</i>	<i>à fibulâ externè seu à parte:</i>				
<i>internâ tub: anterioris femoris; in tuberculum internum: obliq<sub>3</sub> tibiam movet.</i>					



Nomen:	Initium:	Insertio:	Ufus:
<b>Tarfi &amp; Metatarfi:</b>			
<i>Tibiales antici:</i>	à sup: tibia & fibula tubere:	in os metatarsi pollicis subiecto:	} <i>flectunt tarsum.</i> } <i>pedem supra tib:</i>
<i>Peronei secundi:</i>	à mediâ fibulâ:	in os tarfi:	
<i>Tibiales postici:</i>	inter tibiâ & fibulam:	in os metatarsi minimo subiectû;	<i>obliq. movent deorsum &amp; internè.</i>
<i>Peronei primi:</i>	à tibia appendice superiori:	in os tarfi quod pollicis neçtitur;	<i>obliq. mov: deorsum</i>
<i>Gasterocnemii:</i>	ab int: & externo capite fœmoris interno:		<i>(externè.</i>
<i>Solei:</i>	à tibiâ inferiùs:	} <i>in os calcis: extendunt tarsum.</i>	
<i>Plantares:</i>	ab internò capite inferiori femoris:		

### Digitorum:

<i>Extens: 3. internodii:</i>	inter tibiâ & fibulam:	in tertium internodium:	} <i>extendunt digitos.</i>
-- 2di internod:	à ligamento annulari:	in secundum:	
<i>Interossei: externi 4.</i>	} <i>inter ossa metatarsi:</i>	} <i>in primum &amp; secundum:</i>	} <i>extendunt, adducunt</i> } <i>(&amp; abducunt.</i>
-- interni 4.			
<i>Perforantes 4.</i>	inter tibiâ & fib: posteriùs:	in tertium:	} <i>flectunt digitos.</i>
<i>Perforati 4.</i>	à ligamento annulari:	in secundum:	
<i>Lumbricales 4.</i>	ab utrôq;	-- in primum:	
<i>Portio carnosâ:</i>	ab osse calcanei;	in initium lumbricalium.	

### Pollicis:

<i>Adductor unus:</i>	à ligamentò calcis interiùs:	in primum internodium.
<i>Adductor major:</i>	à ligam: metatarsi digiti:	in primum internodium interiùs.
<i>Add: transversalis:</i>	à ligamento minimi digiti:	eodem loco.
<i>Flexor proprius:</i>	} <i>à mediâ fibulâ:</i>	} <i>posteriùs: } in secundum internodium:</i> <i>anteriùs: }</i>
<i>Extensor proprius:</i>		

### Minimi digiti:

<i>Adductor proprius:</i>	ab osse calcis;	-- in secundum internodium.
---------------------------	-----------------	-----------------------------

### Offis hyoidis:

<i>Sterno hyoidens:</i>	à sterni parte internâ:	} <i>in os hyoides.</i>
<i>Coraco-hyoidens:</i>	ab angulo superiori scapula:	
<i>Stylocerato hyoidens:</i>	à processû styloformi:	
<i>Genio hyoid: externus:</i>	} à menti parte internâ:	
<i>Idem internus:</i>		

### Tyroidis seu scutiformis:

<i>Sternothyroidei:</i>	à sterni parte internâ:	} <i>in partem internam thyroidis.</i>
<i>Hyothyroidei:</i>	ab hyoide:	
<i>Cricothyroidei:</i>	à Cricoide:	



Nomen :

Initium :

Insertio :

Ufus :

## Arytenoidis:

Tyroarytenoidei:	ab internâ parte Thyroidis	} in arytenoidem.
Cricoarytenoidei postici:	à cricoide posteriùs:	
Iidem laterales :	à cricoidis latere :	
Arytenoideus:	inter arytenoides:	

## Lingvæ:

Styloglossi:	à Styli formi processû:	} in linguam.
Basioglossi:	à basi ossis hyoidis:	
Ceratoglossi:	à cornubus ejusdem:	
Myloglossi:	à dentibus molaribus:	

## Oesofagi:

Stylofaryngæi:	à styli formi processû.
Cefalofaryngæi:	ab osse sfenoide.
Sfenofaryngæi:	à processû alari ossis cuneiformis.
Faryngæus:	circumducitur gulæ.

## Gargareon seu Uvula:

Pterygastilini interni:	à pterygoide interno;
externi:	externo:

## Pudendi:

Cremafteres:	ab osse pubis.
Erectores penis:	ab osse coxendicis.
Dilatatores uretræ:	à sfinctere ani.
Elevatores ani 1.mi & 2.di.	
Sfincter ani :	Circumducitur anô.
Sfincter vesicæ:	circâ os vesicæ extenditur.
Diafragma:	à confiniô cartilaginis costarum. & vertebrarum toracis.



*De sensibus externis: (vid. D. Bonii P. P. æconomia corporis animalis.)*

In genere, ubi sensationis.

{ Descriptio: est exploratio objecti.

{ Explicatio: ubi considerandum quid intelligatur per:

{ 1. Objectum: quod proponitur ad conversandum & usurpandum.

{ 2. Explorationem: quæ est vel affectio Spiritûs à sensu, vel effectio speciei in spiritû.

{ Afficiunt autem sensa spiritum movendô & informandô.

{ Movent; tangendô mediante commensuratione inter id quod tangit & tangitur;  
unde: *Voluptas, dolor*: & premendô.

{ Informant; reddendô sibi similem; quatenus afficiunt certo modo.

In specie; ubi occurrit:

*Tactio*: ubi ejus.

(*pus; vel excedendo à corpore; vel se movendô intra corpus.*

{ Descriptio: est sensio tangentis qualitate suâ corpus nostrum afficientis; vel accedendô ad cor-

{ Explicatio qualitatum tangentium, quarum paria sunt octo:

{ 1. Raritas & densitas. 2. Subtilitas & hebetudo. 3. Levitas & asperitas.

{ 4. Levitas & gravitas. 5. Calor & frigus. 6. Fluiditas & firmitas.

{ 7. Humiditas & siccitas. 8. Mollities & durities.

*Gustatio*: cujus

{ Descriptio: est sensio succi sapidi.

{ Explicatio vocabuli

{ Succus: est qui consistit ex humido in rebus calore coctis.

{ Succus sapidi, qui vocatur *Sal*; cujus sapor est *inchoativè à calore; perfectivè à figurâ particulari ingredientium sese instrumento sapiendi. Hinc quæq; res, quæ assumi in corpus potest, prout commensurata est porulis organi, quos subit, præ se fert saporem suum. aut insuavem.*

*Odoratio*: cujus

{ Descriptio: est sensio effluvii odori.

{ Explicatio vocabuli

(*ut ejus motum spiritus percipiant.*

{ *Effluvii: quod est halitus quæ, sulfureus, tenuis, siccus & commensuratus structuræ organi*

{ *Odori: est autem odor vel*

{ *Suavis, cujus corpuscula sunt levia, quæ faciliè inferuntur & amicabiliter se gerunt.*

{ *Insuavis, qui violenter agit & exasperat, irrumpendô æquò plur; & majorib; angulis.*

*Auditio*: cujus

{ Descriptio: est sensio aëris sonori.

{ Explicatio vocabuli

{ Sensio: quæ fit dum aër in sferas expansus auribus se insinuat.

{ Sonori, id est vibrati & figurati,

{ Vibrat aërem vis rerum (elastica) strepitum edentium.

{ Figuratur certis rerum ictus.

*Visio*: cujus

{ Descriptio: est sensio lucis tinctæ rerum vultibus.

{ Explicatio vocabuli

{ Vultus rerum, id est: Colorum

{ Tinctæ; dum lux quæquâ versum se diffundens insilit in omnes res & ex iis elicit species visibiles & secum per aërem transvehit.



# MEMORIALE

AD PIOS PRUDENTES, VEROS ET  
FIDELES MEDICOS.

**M**Emini (Viri prudentes) me plures medicorum libros evoluisse: in quibus, (quod sæpè miratus sum) nullam summi rerum opificis mentionem inveni, multò minus auxilii divini invocationem anteqvàm ægrotis medicamenta exhiberent. Cum tamen certò certius sit medici pietatem veram interdum plura præstare quàm admirandam multorum scientiam. Propterea cum corporalis infirmitas nonnunquam ex peccato proveniat; Medicorum officium erat, cum ad infirmos vocarentur, ipsos antè omnia monere & inducere; ut animarum medicos adhibeant; ut postquàm fuisset infirmò de spirituali salute provisum ad corporale medicinæ remedium salubrius procederetur. Hanc viam laudabilem tres saltem (quod sciam) præstantissimi medici ingressi, summâ cum laude artem suam exercuerunt. Arnoldum puto, Gordonium & Raymundum Lullium in arte operativâ. Hi sæpius ægrotos suos (visitandò eos) ad resipiscentiam hortabantur & implorato prius divini numinis auxilio summam Dei benedictionem in medendò experti sunt. Raymundo seqvens formula precandi fuit familiaris, quàm huc ascribere placuit; & quæ omnes veros Medicos sui officii admonere debet.

## (Precatio Raymundi Lullii antè Medicinarum exhibitionem:)

**D**omine JEsu Christe, qui es omnium vera salus, Domine, Tu es, qui omnia in bonitate & sapientia Tua valdè bona creasti, sine Te nihil scio boni in seculo. Quare Domine J. C. majestatem Tuam suppliciter adoro, quia scio & firmiter credo, nihil boni absquè Tuâ bonitate, nihil magni absquè Tuâ magnitudine, nequè durans absquè Tuâ duratione, neque potens sine Tuâ potestate, neque sapiens sine Tuâ sapientiâ, neque diligens sine Tuo amore; nequè virtuosum sine Tua virtute, nequè verum sine Tua veritate, nequè gloriosum sine Tuâ gloriâ, nequè justum sine Tua justitiâ. Scio, quod Tu hominem mirabiliter creasti, mirabilius reformasti; qui medicinam veram ad reparandam sanitatem dedisti. Da benedictionem veræ medicinæ, ut omnes virtutes, quas in principio posuisti, in ea ad finem perducantur: ut in corpore, quod introierit, sanitatem mentis & corporis inducere mereatur; per Dn: Jesum Christum! Amen.

[Crescit agitata Pietas.]





J. N. R. J.

CAPUT I.

*De communibus integumentis.*

**A**D externa integumenta separanda diligentiam opus est, ut omnia integra à cæteris libera appareant, ne cutis sit multâ pingvedine conspurcata, aut membrana carnosâ pingvedine tecta, licet hoc in pingvibus evitari omninò non possit. Resupinatio itaque cadavere (in tabula anatomica) duc lineam à mucronatâ cartilagine ad umbilicum usq; eoq; dimisso eam protrahe ad ossa pubis, hanc postea ad angulos rectos secabis ex utrâq; parte è regione umbilici, ita ut non tangatur umbilicus; propè quem has sectiones connectes per alias minores h.m. ✕  
Has sectiones adeò profundas facies, ut cutem solam feces, quod ex colore facile dignosces; alba enim est cutis & pingvedo flava aut subflava, postea cutem separare incipies ab unò ex 4. angulis, quod ut rectè assequaris, cautè incidendum erit, cultròque potius uteris transversò, rectius enim nimis velocitè secat & partem aut pingvedinis aut cutis ferè semper lædit, id præstabis duobus in locis, utpotè ab angulo dextro superiori & in sinistro inferiori ad spithamæ profunditatem, post-

A

ea



eà pingvedinem cum subtracta membrana carnosâ in iisdem locis separabis, ubi cavendum tamen ne subjecti muscoli lacerentur; quod levi negotio evitabis, postea in aliis duobus angulis omnia junctim separabis à subjectis musculis, quibus in locis separata erit membrana carnosâ, hanc reperies sub pingvedine cuspidè cultri, quam inventam à superposita pingvedine liberabis; ubi tamen cavendum ne laceretur membrana; hæc enim facillè cuspidè cultri læditur, ideoq; cuspidis semper versùs pingvedinem dirigenda. His paratis candelam accensam cuti submove, ut vesicula elevetur, quæ detecta cuspidèqve cultri à cute separata, cuticulam exhibebit.

## CAPUT II.

### *De Musculis abdominis.*

**D**ecem muscoli sunt, ast summa est difficultas in iis separandis, undè diligentia est opus. Primò ulterius externa integumenta separanda sunt, ut in pectore appareat ferratorum portio: in inferiori regione marginosium pubis & Ileum conspiciatur & lateraliter non procul à vertebrae lumborum protrahenda. Quibus separatis, primum par musculorum obliquè descendendum separare incipies in pectore, ubi ferrato annectitur per dentatas productiones, quas ab invicem separabis patentibus separationis lineis, quæ tres esse solent, aliquando etiam quatuor, quinque: quo loci observabis illas etiam desinere in ferratum, sed graciles tendines exporrigere in marginem inferiorem costarum. His productionibus sejunctis ad dorsum te convertes, ut principia omnium trium musculorum descen-



scendentium & transversorum illinc prodeuntium se-  
pares; quod ut assequaris, opus est, ut latisimi finem  
hûc ostensum separe, ubi nulla difficultas. Hoc eleva-  
to, primum musculum descendentem separabis cavendo  
ne subjectum laceres; quod evitabis, si ductum fibra-  
rum observes. Hoc primo parumper liberato etiam  
ad secundum accedes ascendentem; cujus principium  
propè primum videbis ad rotundum accedens, in quô  
elevando observabis membranofum principium tertii,  
quod à processibus transversis vertebrarum provenit;  
secundo separato, ut prius fecisti, ad tertium devenies,  
in quo minor difficultas erit. His principiis liberatis  
ad primum iterum te convertes, in quo nil erit ardui  
usque ad rectos, sed cum ejus tendinem à subjecto secun-  
di supra rectos discurrentis dividere aggredieris, diffi-  
cillimum invenies opus & ferè impossibile, si ad lineam  
usque albam id facere tentes, quare postquam ipsum  
separaveris, ad latitudinem pollicis: satius erit inferio-  
rem ascendentis secare, eumque cum superiore ascen-  
denti simul junctos, à supposito musculo recto dividere,  
quod facile succedet, ubi musculi recti carnosa obser-  
vatur substantia; secus autem in inscriptionibus ejus-  
dem reperiens, quoniam tenacissime tendines adhærent.  
Superiorum musculorum tendines igitur etiam supra  
& infra inscriptiones dictas, patienter divides, ita ut te-  
nuissima eorum insertio remaneat, cum digitationibus  
illis, quam postea levi negotio integrè secabis. Obser-  
vabis demum dum ad lineam albam usque deducere  
descendentem musculum tentabis, processus (in infima  
parte abdominis) peritonæi ad testes, quos utroque in



latere integros servare oportet. His peractis ad secundum te convertes, in quo separando, ubi carnosus est, nulla difficultas erit; sed cum incipiet in tendinem ostendi, non levis erit labor, & propterea non præsumes ipsum producere ad lineam albam usq̃, sed postquam aliquam portionem tendinis separaveris, illum dimittes, deinde portionem sui tendinis, quam supra rectum reliquisti, versùs ipsum separabis, ita ut remaneat suo principio appensa & ipsum rectum ex totò detectum. Rectum postea peritonæo separabis, idque digitis potius quam cultro, sed sub sterno, sub quo ascendit, major erit labor. Uncō igitur sternum, vel potius cartilagine sterni ad inferiores costas deductas elevabis, ut totum transversum videas musculum, ac à diafragmate & peritonæo sine dilaceratione separare valeas. Cautè hinc incedendum erit versùs superiora, quoniam muscoli subtilescunt, & facile franguntur. His pariter sic præparatis ad rectos devenies, in quibus nulla alia difficultas nisi propè mucronatam cartilaginem, quoniam illi assumunt venam & arteriam à mammariis internis, quæ vasa servanda sunt diligenter, id etiam faciendum in parte inferiore; sed hæc magis conspicua sunt. In his musculis separandis observa digitationes illas, seu inscriptiones non esse in partem ipsorum infernam, sed in superiore, ubi scilicet tendines musculorum obliquè descendentium & ascendentium ipsos tegunt. In his postea perquireres anastomosen venarum superiorum & inferiorum, quam aliquando facile, aliquando difficili negotio reperies, quandoque etiam non reperies (ob summam tenuitatem.) Tandem propè ossa pubis, in fine rectorum aliquando



quando videbis quintum par musculorum, (quod pyramidale dicitur,) aliquando unum tantum musculum reperiēs, & aliquando planè nullum, in quo casu observabis rectos latiores esse propè ipsa ossa. Hoc quintum par à lateribus & ab invicem separabis, ita ut appensum remaneat lineæ albæ in superiore parte, & in inferiore ossibus pubis.

### CAPUT III.

*De ventriculo, intestinis, omentò, mesenterio, liene, pancreate.*

**D**ifficilis præparatio propter extractiones. Undè talis ordo servandus: dissectò peritonæò in quatuor partes, (ut superius de externis integumentis factum est;) venam umbilicalem à peritonæò separabis usque ad hepar. Dein omentum ab intestinò colò detrahes, ubi observa cavitatem, quam ipsum omentum producit, dum adhæret intestino colo, fundo ventriculi, lienì, pancreati. Postea intestinum rectum à suò ligamentò separabis inferius quantum poteris, idque duplici ligamento ligabis & inter utramque secabis ejusque præparationem versus superiora persequeris. Observa intestinum colon in fine antequàm rectum evadat, flexum facere ad superiora; quò aliquandò ad lienem, (aut saltè renem finistrum pervenit,) aliquandò non. Hoc separabis igitur versus superiora à rene finistrò, à liene, à fundò ventriculi, ab hepate, à rene dextrò usque ad os ileon dextrum, ubi desinit. Tunc tenuia intestina separabis à mesenterio, usque dum videris pancreas adnexum, ubi factà duplici ligaturâ, (ut inferius fecisti,) sectionem facies ut supra, & intestina extrahes; quæ postquàm fuerint repurgata ab excremen-




tis, extends suprà tabulam ordine consuetò, sed priùs particulam ipsorum secabis, in quâ tunicas monstrabis (facta separatione externa tantùm) quoniam alia ex se manifesta sunt. Per longitudinem postea finem ilei & principium coli ligabis, quod per longitudinem secabis versùs cœcum, ut ostendere possis valvulam ibi regressum à crassis intenuia prohibentem. Tandem ipsa intestina in flabis & extremitatibus vinctis relinques: (*vid: Illustrissimi D. Wedelii C. P. C. Decad: 8. Exercitatio 7. De Valvulis conniventibus:*) *Visuntur non solum in cadaveribus quibusvis (circuli scilicet) quamvis non rarò neglecti, verùm maximè, si intestina elutriata & inflata exsiccantur, qualia à nobis demonstrari possunt ad oculum, quasi infibulati seorsim reliquo contextui, ut sensibus sint distincti.* Postea oportet mesenterium separare, sed priùs partem illam, quæ colon alligabat in parte sinistra. Et rectum opus est separare, quod incipies, ubi rectum secasti, quò locò observabis, ut venam ad rectum protensam per ipsam partem serves, & cum ad superiora pervenies, ubi os sacrum definit, lateraliter observa: ne aut vasa spermatica aut uretrem lædas, quod in non valdè obesò corpore facile evitabis. His observatis, ad superiora progredieris. Sed cum ad vertebrae lumbares devenies, observa: arteriam mesentericam inferiorem ad hanc partem protensam, quam à trunco separabis & sic exscindes cautè. Postea superius seu dextrum orificium ventriculi investigabis, & diligenter digitis à diafragmate separabis, altiusque quam fieri poterit, ligabis & secabis. Postea lienem à diafragmate separabis & à rene, ubi cautè incedes attentèque observabis, ne renem succenturiatum



riatum simul abstrahas; pariter observa principium vasorum spermaticorum sub emulgentibus ex utrâque parte, deinde radicem mesenterii separabis: ubi duæ occurrent insignes arteriæ, quarum superior Cœliaca, inferior Mesenterica superior dicitur has à trunco separabis. Inde hepar à diafragmate sejunges cui adhæret per ligamentum latum ipsius & sæpè per multa filamenta præ digitis franges. Postea venam cavam secabis supra hepar, propè diafragma & sub ipso, ubi observabis: ne venam ad renem succenturiatum dextrum deductam lædas, altam enim habet originem. Tum adhibita diligentia truncum secabis statim sub ipsò hepate, & sic omnia junctim extrahes, quæ à sanguine repurgabis ac supra tabulam eo ordine quo in corpore existunt, ostendes, & si quid erit in ventriculo, illud extrahes & circa superius orificium ejus nervos perqvires, quos facile invenies, si altam feceris sectionem. His inventis, duobus filis ligabis, eorum divaricationes circa ventriculum diligenter separabis; ubi observabis ramum insignem ad hepar tendere, quem diligenter servabis. Postea venas & arterias ad ipsum ventriculum tendentes investigabis, & primò à sinistris à liene aut à ramis ad ipsum tendentibus tres aut quatuor invenies facile, si membranam, quæ à ventriculo ad lienem exporrigitur, diligenter separabis, statim vasa videbis, quæ tùm versùs ventriculum, tùm eorum originem separabis. Horum vasorum primum, (scilicet quod magis proximum est orificio ventriculi superiori,) vas breve dicitur, cætera gastrica minora. Versùs fundum videbis ventriculi venam & arteriam, has ambas diligenter separabis, &  
vide-



videbis, ostendi ferè semper versùs partem dextram ventriculi & jungi gastro epiploicis dextris. Hìc, si diligentia uteris, nullum erit negotium. Postea à dextris principium venæ & arteriæ gastro epiploicæ dextræ reperiēs, observabisque hanc à ramo iliaco; illam à mesenterio ortum habere, in quibus pariter levis erit difficultas. Indè ad ventriculi superiora te convertes, ut gastricas dextras & sinistras invenias. Nec circa has multa erit difficultas, quoniam si circumfusas membranas separe, vasa apparebunt, eorumque trunco invento, versùs originem progredieris, videbisque venam oriri à ramo splenico (aut propè ipsius exortum) arteriam vero à ramo cœliaco. In separatione horum vasorum per superiorem partem ventriculi disseminatorum, diligenter incedes, ne nervos huc tendentes feces. Sic progredere versùs orificium inferius, ubi gastricas reperire opus erit: nec de arteria erit difficultas maxima, sed sæpè erit de vena, ut eam nullo modo reperire possis, sed loco ipsius videbis sinistram ad pylorum usque extensam ac pyloricæ annexam. Quandoque etiam ipsam absque multo labore invenies, quin minorem habebis, si è trunco venæ portæ incipies inquire; (cautè tamen erit incedendum ob multa circa hepar observanda.) His sic peractis tunicas in ventriculo separabis facta sectione angulari hoc modo  Ubi tunicam separabis ab angulo versùs inferiora. Postea separatione primæ tunicæ, sectionem facies, quæ ad cavitatem usque perveniat, ut mediam & intimam tunicam ostendere possis. Tandem duplicaturam omenti patefacies, immissa charta intrà ipsam.



## CAPUT IV.

*De epate, liene, pancreate, mesenterio & vesicâ felleâ.*

**P**Rimò ventriculum & omentum ex toto separabis & abjicies. Postea pancreas à subjectis vasis circumfususque membranis liberabis; ubi observes venulas & arterias ad illud porrectas, appensum intestinò duodenò relinques, quoniam in ablatione ventriculi opus est, ut portionem illam intestini, quam ipsi appensam reliquisti, in ablatione intestinorum à pyloro infra hîc relinquas. Pancreate separato venam & arteriam ad lienem tendentem purgabis, sed propè arterias investigabis nervulos ad lienem disseminatos, quos exiles observabis, inventosque ligabis filo. Vasa hæc omnia (præcipuè lieni proxima) diligenter purgabis; deinde nervum (quem ad jecur tendentem superius servasti) separabis usque ad illud, ad quod etiam alterum invenies tendentem propè venæ portæ truncum; hunc reperiens in detectione trunci ipsius, quod affatim efficere poteris. Sed cum devenies ad mesenterium, observabis arteriam mesentericam superiorem, cujus truncum filò ligabis. Postea ejus ramificationem (& pariter venæ) per mesenterium detegas; ubi observabis multas glandulas, quarum aliquas servabis, ut ipsas ostendere possis. Servabis propterea aliquam portionem membranæ superioris & inferioris ipsius mesenterii. In detectione venæ mesentericæ (aut splenicæ) invenies ortum hæmorrhoidalis, quam servabis & separabis usque ad extremitatem, abjiciendo portionem illam, quæ



versus renem sinistrum disseminatur ad intestinum Colon, simul cum ligamento relinqvendo portiuncula, ubi rectum continebatur. Postea ductum cholidochum purgabis cum ad vesicam felleam, tum ad hepar. Ast observandum, propè ipsam arteriam à cœliaco ramo ad hepar distributam, quam diligenter separabis: sed cum propè vesicam felleam id facies, observabis ramulum satis conspicuum ad ipsam protendi, propè quem observo etiam nervulum exilem huc protensum. Venas cysticas aliquando reperiēs, sed rarò; quas si inveneris, separare poteris ad truncum usque, arteriam autem videbis statim in duos ramos propagari ad utrumq; latus ipsius exporrectos. Observa præterea alteram arteriam ad hepar tendentem à ramo cœliaco, & aliquandò à mesenterico, quam pariter purgabis. In purgatione venæ portæ observa propè truncum multa filamenta, seu multos ductus, aliquandò manifestissimè apertos, intra quos & stylum immittere poteris, tum præterea nervulum à plexu sexti paris donatum. His sic peractis cautè secabis secundum longitudinem pancreas eâ parte, quâ vasa respiciebat ipsisque adhærebat, usq; dum ductum ipsius detegas, quo detecto, faciliter totam longitudinem ipsius pancreatis reperiēs; cautè tamen progredere, ubi intestino adhæret, ut insertionem in ipsum invenias. Observa, ne ductum cholidochum secēs, quoniam ductus pancreatis ferè semper in idem foramen cholidochi sese aperit intra intestinum; quod ut clarè ostendere possis, intestinum secabis secundum longitudinem. Tandem membranas lienis, hepatis, tandemq; vesicæ felleæ se-  
pa



parabis, eô modo, qvo de ventriculo dictum est. Poteris etiam detegere aliquas ramificationes venæ cavæ per superiorem partem hepatis, item portæ per inferiorem, præcipue duos amplos ramos priores & insertionem umbilicalis.

## CAPUT V.

*De renibus, ureteribus, vesica; Vasis spermaticis, testibus, pene & reliquis.*

**H**Æc omnia prius è corpore educenda sunt simul juncta, & postea supra tabulam expurganda; quare prius vasa spermatica elevanda sunt à partibus inferioribus, seu ubi ex abdomine exeunt versùs superiora progrediendo ad ortum usq; suum; observa in parte inferiore vasa deferentia, ne ipsa feces, quoniam cum alba sint, facile secari possint cum membranis. Cum id utrinq; feceris, ureteres liberabis à vesicâ ad renes; postea renes ipsos elevabis ex utrâq; parte. Observa renes succenturiatos, & cum ad arteriæ truncum devenies, ipsum secabis, ubi intra productiones diaphragmatis descendit; postea utrumq; truncum venæ & arteriæ versùs inferiora separabis. Postquam autem reperies divisionem rami iliaci in internum & externum, (scilicet in cruralem & hypogastricum,) ibi secabis, ita ut divisionem hanc habeas; postea seorsim divides per medium & utrumq; testem cum suis involucribus versùs superiora separabis, observabisq; ubi ex abdomine exeunt vasa spermatica propè os ileon, (carnosum corpusculum, quod musculus facit cremasterem,)



hoc diligenter simul elevabis. Postea vasa deferentia separabis versus vesicam & cum propè ipsam illa deduxeris, tunc ab ossibus pubis vesicam (à sacco intestini recti portionem, quam reliquisti) separabis, quod digitis, & ferè sine ope cultri præstare poteris. Postea diductis cruribus penem ab ossibus pubis separabis; ad cujus latera videbis venas, arterias & nervos per superiorem partem ipsius tendentes, quas secabis; ast observabis musculos erectores, quos propè ossa diligenter separabis secundum totam longitudinem ipsorum; simul elevabis intestinum rectum, secandò circa ipsum ad latitudinem duorum digitorum; cavendò, ne quid laceres, id autem præstabis & exterius & interius (id est in cavitate ossium) donec ex toto liberaveris, & sic omnia simul extrahes, & supra tabulam extends eo modo, quo in corpore disposita sunt. Postea intestinum rectum separare poteris, in quo nulla alia erit difficultas, nisi in parte extrema, ubi muscoli sunt. Circa quam observabis, ut ipsi suos elevatores; peni verò erectores & dilatatores uretræ relinqvas, in cæteris nullum periculum. Hoc intestino separato ad superiora te convertes, & primò adiposam membranam à renibus separabis, aut si placuerit, in vivo latere suis vasis juncta relinques; videbis enim ab emulgentibus hûc porrigi venas & arterias. Observa præterea in parte superiori & inferiori renum, ne simul auferas renes succenturiatos, observandò, ut sua vasa relinqvas. Venas clarè videbis à dextris, à trunco venæ cavæ, à sinistris (ab emulgente.) Arterias autem aliquandò à trunco, aliquandò ab emulgentibus reperies, quos etiam adeò sub-



subtiles multotiès reperiēs, ut vix ſervari poſſint. His ſeparatis vaſa emulgentia & truncos uſq; ad diviſiones diſſectos purgabis. Obſervabis propè arterias emulgentes nervos ad renes diſtributos, & principia vaſorum ſpermaticorum. Poſtremò principium ureterum propè renes, à circumfuſa pingvedine liberabis, ipſosq; ureteres ad eorum inſertionem uſq; liberabis; ſed cum propè veſicam devenieris, obſervabis vaſa deferentia, quæ propè ipſos ureteres tranſeunt. Poſtea veſicam repurgabis, relinqvendo illi annexam portionem aliquam membranæ externæ in parte ſuperiori & inferiori. Propè collum veſicæ diligenter obſerva capſulas & veſiculas ſeminales, tum glandulas, quas proſtatas (actaoides) vocant; quæ omnia à circumfuſis membranis diligenter purgabis, & tandem muſculos erectores penis ſeparabis parumper & ad invicem dilatatores uretræ & ſic omnia præparata habebis pro demonſtratione renum, ureterum & veſicæ. (*Sequitur præparatio teſtium & penis:*) Primò diligenter excoriabis, relicta ſolùm aliqua parte cutis in extremitate ipſius, ut præputium oſtendas. Deindè vaſa ipſum excurrentia inveſtigabis, eaq; in parte ſuperiori, & erunt venæ duæ, totidemqve arteriæ & pariter nervi, quæ omnia ſeparabis uſqve ad aliquot divaricationes. Poſtea uretram nonnihil ſeparabis à lateribus, ita ut diviſa à ſpongioſis corporibus videri poſſit, & tandem corpora ipſa ſpongioſa ſecundùm longitudinem ſecabis diligenter, donec arteriam per ipſa excurrentem videas, quæ ſanè obſervabilis eſt. Ad teſtes poſteà te convertes; circà quos primò externa integumenta ſeparabis, in quibus rarò pingvedinem



invenies; à cute separabis membranam carnosam, quæ hîc dartos dicitur. Postea ubi vasa è corpore egrediebantur observabis expansionem musculosam, quæ musculus cremasterem constituit, hunc separabis à contentis vasis diligenter & descendendo versùs testes, videbis ipsam definere in membranam vaginalem dictam, quæ testes involvit, eamq; simul separabis, & si diligenter id feceris, alteram subjectam tenuiorem supra testes relinqves, (quam nerveam vocant.) & postea separabis. Circa ipsos testes observabis vasa variciformia dicta, quæ principium deferentium præbent. Hæc à circumfusiis membranulis separabis, & etiam aliquantisper ab ipsis testibus, ut videri possint. Epidydimides ipsos in medio ipsorum à testibus parumper separabis, & tandem tunicam albugineam dictam hæc formâ elevabis parumper: **Λ**

Hîc adducendum esset aliquid circa separationem vasorum spermaticorum seu præparantium, & præcipuè pyramidalium, sed cum hoc describi non possit, dimittendum censeo. Si tamen placuerit, poteris ipsa ab invicem separare, quo usq;ve possibile erit; in quâ separatione observabis miscelam horum vasorum adeò strictam, ut oculis defatigatis illas dimittas.

## CAPUT VI.

*De partibus generationi inservientibus in feminâ.*

Circa renes succenturiatos truncum venæ cavæ & arteriæ magnæ, nec non principium vasorum spermaticorum, ureterumq; progressum nulla est differentia ab



ab iis, quæ in viro dicta sunt. His itaque ut supra separatis, ad inferiora descendes, ubi primò observabis ligamenta rotunda dicta; quæ ab utero ad ossa pubis exporriguntur. Hæc statim separabis versùs uterum, sed observes ut longiora, quàm fieri poterit, seces; id est propè ossa, ubi in membranam explanantur. Postea crura diduces & pudendum muliebre separabis, ut in pene fecisti. Ast observa loco musculorum penem erigentium duos pusillos musculos seu duo pusilla corpora teretia carnosâ, quæ clitoridis crura sunt; hæc eodem modo & ab eodém locò (ubi penis erectores separati fuerunt) educenda sunt, differunt enim solum magnitudine. Deindè vesicam (ab ossibus pubis) uterum & intestinum rectum junctim separabis in partibus internis propè ossa (ut in viro fecisti.) Ast si vasa hypogastrica servare velles, opus erit in sectione truncorum descendantium venæ cavæ scilicet & arteriæ magnæ, ut iliacum ramum internum utrumque serves, (cum oriuntur ab his.) In reliquis eadem præparabis ac in virò; hæc cum è corpore eduxeris, lavabis parùm & post supra tabulam ostendes. Renes succenturiatos, truncos venæ cavæ & arteriæ aörtæ, ureteres, vesicam, principia vasorum spermaticorum, eò modò quo in viro separasti, hic etiam perficies. Intestinum rectum pariratione segregabis, quod minori labore facies, cum præter suos musculos nil aliud observandum sit. Ad testes postea te convertes; circâ quos totam expansionem membranosam circâ ipsos exporrectam separabis, relicta tamen ea, quæ inter ipsos & tubos existit; quæ ligamentum latum unius cujusque lateris constituit. Hic  
(si



(si placuerit) minori cum difficultate anastomosin venæ & arteriæ spermaticæ investigabis. In quibus observabis venas & arterias ad uterum in parte superiori disseminatas conjungi cum inferioribus ab hypogastricis. (& præcipuè arteriâ: ) De venis & arteriis ab hypogastricis huc diffusis separandis vix habeo quid dicam, cum hæc cultum diligentem requirant ob incredibilem eorum divaricationem, ideò tuam experieris diligentiam. ( Uteri vaginam purgabis & postea ad clitoridem devenies. ) Hunc observabis in parte superiori sub cute; circa quem nullam habebis difficultatem, si ea quæ in extractione dicta fuerunt diligenter observaveris. ( Inventis enim cruribus facile quoque ipse reperitur. ) Hunc separabis, ut commodè videri possit, quem aliquandò observabilem, aliquandò exiguæ molis reperies. Tandem si quid erit circa labia superfluum id abscindes & præcipuè pinguedinem, quæ ipsis substrata esse solet. Ligamenta rotunda nisi jam ad uterum deduxeris, usque deduces; ac ultimò locò tunicam uteri ( more solito ) separabis.

## CAPUT VII.

### *De fœtu humano.*

Fœtum ostensurus vel cum secundinis vel sine iis; primò vel fractæ erunt vel non. Si fractæ, nil aliud circa ipsas agendum est, nisi ut duplicitatem earum ostendas, quarum interna subtilior, externa densior erit. Si integræ sunt, illas in parte anteriori secabis & placentæ relinques; deindè vasa umbilicalia propè ipsam placentam ab invicem parùm separabis, extracto



tracto prius velamento aut involucro, intra quod continebantur. Hæc parum per placentam separare poteris, ut eorum divaricatio appareat; postea ad fœtum te convertes, qui si his carebit, laboris occasionem adimet. Circà fœtum postea oportet prius sectionem facere ab umbilicò ad lumbos utrinque usque in cavitatem abdominis, ut arterias umbilicales, urachum & venam umbilicalem videas. Quibus omnibus servatis, omnia integumenta & musculos simul secabis à mucronata cartilagine ad ossa pubis, relictoque umbilico, hæc omnia deduces, ut viscera conspici possint. Dein arterias umbilicales ab invicem & ab uracho separabis, easque deduces usque ad insertionem suam in hypogastricis, quod brevi negotio facies, (id etiam præstabis de venâ ad hepatis usque.) Postea intestina crassa à lateribus separabis, ut renes succenturiati & renes ipsi videri possint; circa quos observanda observabis. Postea diafragma secabis propè costarum cartilagines, ut pulmones & cor extrahere possis; quod præstabis elevandò sternum unco & dissecto pericardio propè diafragma: deinde apprehendes aut unco, aut indice, aut medio digito manus sinistræ pulmones & cor, omniaque versùs inferiora trahes. Deinde cultro secabis vasa propè jugulum altius quantum fieri poterit, ut Thymi corpus habeas; arteriam pariter, venam cavam, & œsophagum propè diafragma secabis, & postea cor & pulmones extrahes. Circà quæ primò extrahendum est corpus Thymii; quod in vasorum divaricationibus in superiori parte observabis: (ast hoc nullius erit momenti.) Post observabis arteriæ magnæ truncum, ubi flectitur versùs

C

fùs



fus inferiora, quoniam ab ipso in venam arteriosam videbis exporrigi tubulum brevem quidem, sed conspicuum, quem diligenter observabis, separabis, servabis; est enim anastomosis per canaliculum dicta inter aortam & venam arteriosam. Gulæ portionem in parte posteriori & arteriæ magnæ superfluitatem demes, reliquiasque pericardii diligenter extirpabis, ut vasa clarè conspiciantur, & tandem venæ cavæ truncum secabis secundum longitudinem, quo diducto à sinistris videbis anastomosin inter venam cavam & arteriam venosam per foramen ovale. Si fœtus in lucem editus non fuerit; poteris observare curiosè substantiam pulmonum. *Pulmones fundum statim petunt (suffocato fœtu in utero) ratio manifesta: quoniam in utero nulla fit respiratio & per consequens nulla rarefactio aëris in bronchiis pulmonum, & contra: in fœtu vivo (post inspirationem & expirationem aëris) extincto, supernatant pulmones in aquâ. (Hoc esto rationale experimentum: fœtus in utero suffocati vel post nativitatem extincti.)*

## CAPUT VIII.

### *De Partibus continentibus in thorace:*

**A** Partibus continentibus sunt segreganda externa integumenta; alit tamen hic separanda non sunt, ut in abdomine, quia iterum demonstranda non veniunt, itaque junctim ea divides, hocque præstabis facta sectione in mediò pectoris (secundum longitudinem ejus.) Deinde supra claviculas transversè usque ad processum spinatum scapulæ; hanc sectionem iterumque protrahes secundum longitudinem brachii usque ad medium ipsius. Tunc postea



postea omnia integumenta separabis, ita ut superius claviculas detegas, à lateribus verò totum musculum ferratum majorem, & brachium in parte internâ, usq; quo sectionem fecisti, ita liberum habeas. His peractis, ad musculos devenies; & primò in pectoris regione superiore duos amplissimos musculos totum pectus ferè tegentes (& ideò pectorales dictos) levi negotio (circumcirca) separabis, ubi cavendum: ne secum ferratos minores subjectos eleves! prætereà ne deltoidem laceres; quando continua eorum corpora videntur, ea tamen distingves beneficio venæ cefalicæ, quæ inter utrumque excurrit, hos deduces usq; ad suam insertionem in brachio. Postea duos subjectos minores ferratos seu superiores separabis, in quibus nulla erit difficultas; hos deduces ad insertionem usq; suam in scapulæ processum ancyroidem. Postea ferratos majores separabis ut ipsos aliquo modo ostendere possis; quoniam insertionem demonstrare non poteris, cum in scapulæ basin ferantur. Quibus peractis ad subclavios ascendes; hos observabis sub claviculis latentes, itaque expediet claviculas elevare, cautè tamen, ne ipsas lædas, evitabis, si propè ipsum os separationem facies; musculos post circumcirca separabis, relictis ipsis appensis costis & in superioribus claviculis; his omnibus separatis ad intercostales devenies, quorum aliquos separabis, idq; circa externos tantum præstabis. Hos à margine inferiori costæ superioris in marginem superiorem costæ inferioris deduces, ast difficultas erit, né lacerentur subjecti, (id est interni,) quod evitabis, si cuspidè cultri primò facies levem sectionem secundum longitudinem



costæ, ubi adhæret musculus; deindè ipsum externum incipies elevare, ubi cessat, quod fieri animadvertes, ubi costæ, cartilaginibus sterni annectuntur observando fibrarum ductum, quoniam decussatim incedunt, sed si aliquam portionem rectè separabis, totum postea sine labore separare poteris. Quibus omnibus musculis separatis, sternum elevabis, secando cartilagines, ubi costis junguntur; post in parte inferiori & internam separabis ab ipso diafragma, (idq̃ diligenter) Mediastinum pariter à sternò sejungas, idq̃ propè ipsum os, ut integrum relinqvas. Sterno ablatò ad diafragma devenies, cujus nervos videbis à superioribus partibus ad ipsum ferri. Hos videbis descendere suprà pericardium, & quidem in latere sinistro magis conspicuum, in dextrò paulò depressiorem observabis, hoc secabis superius & deduces ad diafragma usq̃. Dein ipsum circumcirca à costis & lumbis separabis, sed cum ad vertebra devenies, observabis ipsum extendi in duo corpora carnosà rotunda versùs inferiora & tandè in tendines crassos, quos diligenter separabis; ultimo loco ipsam à pericardio separabis, (ubi diligentia opus erit & patientia) ob arctam inter se connexionem. Hòc separatò pleuram propè vertebra secundum longitudinem secabis levitèr, & digitis à subjectis costis separabis, ut ipsam ostendere valeas. Postremò diafragma ostendes suprà tabulam, & in ipso venas proprias separabis, quas duas invenies, à trunco scilicet venæ cavæ, dum ipsum perforat duos videbis, & à mediastinis, cum nervis totidem arterias invenies in medio ipsius, ubi trunco descendenti descensum præbet. Tandè membranas pro-



propriam superius & inferius (more solito) separabis, hoc uno tantum observato, ut supra tabulam ponas inferiorem ejus partem, ut quæ pectus respicit, in conspectu restet, idque ob nervos ad ipsam delatos; Ultimo loco mediastinum, id est membranas illas, quas sub sternum separasti, ab invicem non nihil separabis, ut duplicatura conspiciatur.

## CAPUT IX.

### *De Corde & pulmonibus.*

Vasa omnia in confinio thoracis & colli secanda; deinde junctim propè vertebrae lumborum omnia separanda & extrahenda, quæ postquam extraxeris supra tabulam expones (parum abluta) post in parte posteriore portionem gulæ videbis, quam separabis. Observabis postea in parte superiori propè asperam arteriam duos truncos nervorum, qui à sexto pari huc propagantur, hos diligenter separabis versus pulmones, (attentè observandò eorum divaricationes seu ramificationes.) Nam ex his unum observabis ad basin cordis ferri, quam facilius invenies, si intrà arteriæ magnæ truncum ex corde exeuntem & venam arteriosam perquireres, & postea ascendendo ad ortum suum deduces. Alteram deinde & etiam duas invenies aliquandò ad pericardium in parte superiori; nam in inferiori (si diligenter te gesseris) videbis à frenicis huc propagari aliquos ramulos. Postea circumfusas membranas & minutas glandulas circa asperæ arteriæ divaricationem & truncum auferes, & superfluum longitudinem arteriæ aortæ & venæ cavæ ascendentis truncabis. Indè vasa ad



pulmones tendentia à circumfuso pericardiô liberabis, ut ea ostendere valeas, quæ filo ligabis utrinq̃. Tandem membranam pulmonum (more solito) separabis, & cordis; (si placuerit) elevato ex unâ parte pericardio, potes etiam vasa cor irrigantia, venam scilicet & arteriam aliquantùm separare.

## CAPUT X.

### *De musculis laryngis.*

NE musculorum multitudo confundat, ordo hîc servandus est. Primò lineam duces à mento ad collum eo usq̃ profundè, ut possis cætera vasa subiecta membranæ carnosæ secare, quia præparata cutis, quæ collum cum sternô conjunctum occupat ungvibus elevatis, & simul cum subiecta membrana carnosâ (quam cum cute elevabis) secetur. Hæc itaq̃ conjuncta simul præparabis tamdiù, donec marginem mandibulæ detegas, & versùs posteriora processum mastoideum, deindè muscolum mastoideum separabis à suo principio, quod à sternò habet versùs suam insertionem in processum scilicet mastoideum. In hoc musculo præparando observabis subiectum muscolum coracoideum, qui transversè sub ipso progreditur, idq̃ circa medium ipsius; hunc itaq̃ mastoideum separabis usq̃ ad processum antè dictum. Mox ad paria musculorum à sternò oritate convertes; quorum primum à sternò erit, & rectà versùs superiora progredietur, desinitq̃ in dictum os hyoides. In hoc pari separando cavendum, ne subiectum simul elevetur, quod fiet levi negotio; illo separato hoc secundum separabis eodem ordine, in quo nulla difficultas, ab eodem enim principio exortum pari passu



passu progredietur, ab eoq̃ tantum differt in insertione, quoniam in cartilagine tyroide terminat. His separatim, à lateribus musculos coracoides dictos separabis: hos à principio suo, quod ab angulo superiori scapulæ trahit primò separabis, & sic versus superiora seqveris, donèc ad os hyoides devenias, in quod desinunt. Postea glandulas, quas propè processum mastoïdem, & sub mandibulas videbis, extrahes, pariter venas singulares & arterias carotides, quas à lateribus rectè ascendentes inquires, ubi nullum erit negotium. Hic tibi tantum observandum erit secundum nervorum par, quod ad linguam fertur, in quò separando observabis unum & aliquando duos ramulos ferri ad musculos cartilaginum thyroidis & arytaeroidis, ex quò patebit non tantum à recurrentibus nervos recipere, ut opinatus est Galenus. His ablatis coracoides musculus ad digastricos deveniet; hos videbis à mento carnosio principio oriri, deindè tendinosos fieri, & versus posteriora progredi, iterumq̃ carnosos factos in mastoïdem processum inferi. Hos itaq̃ à suò principio separabis, ubi cautè cultrò uteris, ne subiectos musculos feces. Deindè versus posteriora progrediens circa partem tendinosam observabis non rarò ipsum perforare musculum teretem, quem stylocerato hyoïdem vocant; quod si fiet, oportebit illum circumcirca parum separare, deindè fissuram per quam tendo transit, parum dilatare, ut carnosum corpus sui musculi per ipsam transducere possis, & tandem ipsum ad processum jam dictum mastoïdeum perducere, quod si non adesset, ut sæpè fit, minori negotio tuum opus perficies. Deindè ad latera superiora te  
con-



convertes, ubi non procul à prædicto processu mastoide versùs anteriora, & interim digitis explorabis processum styloidem vocatum; à quo tres musculos oriri videbis in utroq; latere, horum primus præ ceteris & longior & patentior, & ab ipso processu exortus versùs anteriora progreditur, & in os hyoides infigitur; quare separato principio cave, ne subjectos duos lædas, ad os ipsum usq; deduces alterum, qui medius est, ab eodem principio natus, in linguam protenditur, & styloglossus dicitur. Hunc eodem ordine separabis à principio scilicet ad insertionem usque; idem erit de tertio, qui in pharyngem implantatur, in quibus musculis separandis nollem te curiosum in sectione esse, parùm enim interest, eos exactè separare in cadavere cum dubio aliquando aliud lædendi, cùm id fieri possit tutiùs, postquam omnia extracta erunt ab ipso. His musculis separatis, in parte superiori propè mandibulam nervum conspicias, qui à superioribus ortus & propè os mandibulæ descendens, in linguam implantatur; hunc versùs suum principium separabis, & lingvæ insertum relinques, est enim propago quarti paris ad linguam destinata. Postea ad mentum te convertes, à quò tria paria musculorum oriri conspicias; horum primum ceteris evidentiùs & latius ossi hyoidi assignatur, quod ab ipso mento separabis, in quò nulla alia difficultas, nisi quod simul facili negotio auferri quoque posset secundum par, quod tamen si fieret, nullius momenti esset error; id autem cognosces ex fibrarum progressu, nam fibræ primi paris obliquè non nihil incedunt, istius verò rectè in os ipsum, cui etiam destinatum est; quod si  
factum



factum fuerit, ab ipso primo hoc secundum separabis, quod si autem non à mento id facies, ubi non est difficultas. Postea tertium par liberabis à mento ipso sine ullâ hæsitazione. His omnibus peractis à parte inferiori versùs sternum, asperam arteriam & œsophagum cum omnibus suis musculis à vertebriis liberabis versùs superiora ascendendo, donec ad caput ipsum deveneris; postea hæc omnia ad unum latus (dextrum aut finistrum) nihil enim refert, convertes, & propè pterygoides processus tria paria musculorum investigabis. Horum primum oritur ab internô latere ipsorum processuum & in gulam fertur, quod statim sub oculis habebis, ipsum igitur à suo principiô liberabis; postea ad aliud magis absconditum par investigandum te convertes, quod quidem erit in extremitate illius finis, qui inter unum & alterum processum pterygoidem efficitur, ubi cranium respicit; hoc autem satis feliciter deteges, si secundum longitudinem musculi pterygoidei cultrum demittes, videbis musculum perqvirendum transversè ascendere circa principium dicti pterygoidei & versùs acutum illum processum, qui in extremitate palati propè ultimum dentem positus est, tendinosum fieri, flexûqve factô versùs gargareonem ferri. Quare illô rectè detectô separationem aggredi-eris instituendô sectiones ex utrâque parte ipsius musculi secundum ejus longitudinem. Tutius tamen est sectiones facere à parte tendinosâ versùs principium quantum profundius fieri poterit, separatoque principio & portione carnosa, si tendinem levi negotio extra-

D

here



here cupis, processum illum acutum, quem tendo ipse conscendit, franges, dextrè tamen, ne secum tendinem lædas, quo fracto levi negotio musculus liberabis propè exortum. Sed non nihil intimiùs conspicias alterum musculus teretem, qui statim separandus est, in quo opere cultrum dimittes, quantum fieri poterit profundius, ut cartilagineum corpus, cui principium ipsius adhæret, secum educas. His ex utrâque parte separat, gargareonem ipsum ab extremo palato liberabis, instituendo sectionem propè ossa, id facies de summâ parte gulæ, quam propè caput secabis, sicque omnia conjuncta educes; ut autem omnia separes, primo considerandum: quomodo paria musculorum ad unam quamque partem feruntur, & quænam ista sint. Nos utimur hoc ordine: primò gargareonem à cæteris partibus, separo, cui duo paria musculorum assignantur, ea videlicet, quæ ultimo loco separata fuere, quibus inventis simul cum ipso gargareone ex utrâque parte libero; ubi observo tantum glandulas duas, quæ à lateribus ipsius positæ sunt, easque statim separo, & servo simul cum illis cartilaginibus, quæ ad primum musculus reperiuntur; deinde linguam accipio, cui tria paria musculorum inserviunt; horum primum illud est quod secundo loco à processu styloide separatum fuit & dicitur styloglossum, quod à lateribus est, & satis patet. Secundum oritur à cornibus ossis hyoidis & in basin ipsius lingvæ fertur, dicitur Ceratoglossum, hoc ab osse separandum est diligenter, ne muscoli ipsius ossis lædantur ascendendo versùs linguam. Tertium in basi ipsius lingvæ positum est, quod nulla ferè opera eget. Ob-



Observe postea duo paria nervorum ad ipsam linguam ferri, quæ cum ipsa à ceteris partibus separabis; postea nervos ipsos à substantia tantum separabis, quo usque aliqui divisione eorum conspici queant. Versus acumen lingvæ observabis venas raninas, quas separabis, ut videri possint; deinde musculos ceratoglossos separabis ulterius, ut rectè appareant; sub quibus observabis arterias ad linguam diffusas, quas itidem separabis, ut conspici sint, & tandem musculos basioglossos ab invicem non nihil separabis, & sic eam dimittes. Tercio loco accipio faryngem seu gulæ partem superiorem cum eâ œsophagi parte, quam in ventriculi separatione ipsis adhærentem reliqui. In hac separandâ observandi musculi ipsius primò; deinde ii, qui ad alias partes feruntur; in parte itaque superiori, ubi capiti annectebatur, unum par musculorum, quod cultri operâ faciendum; ibi enim rudis tantum delineatio conspicitur, secundum par postea non nihil lateraliter, illud est quod à processibus alaribus separasti, quod clarè apparet, hoc à circumfusus membranis separandum, ut melius videatur. Tertium ceterisque evidentius licet teres sit, illud est, quod ultimo loco separatum fuit à processu styloide, quod optimè videtur, major difficultas est in separando œsophago à cartilagine thyroide, ubi cautè procedendum, ne ceteri musculi lædantur, ductus tamen fibrarum secantem docet, expedit tamen potius œsophagum quàm ceteros lædere. Quarto loco os hyoides separo, in quo observandum tantum est unum par musculorum, quod ab ipso ossè ortum in cartilaginem thyroidem fertur, quare cautè ab eo separandum est os



& postea cum suis musculis extrahendum, circa quod nil aliud præstandum, nisi quod musculi ab invicem separandi sunt usque ad os ipsum, præcipue duo illa paria, quæ à mento separata fuere. Quinto loco cartilagine thyroidem cum tribus musculorum paribus, quorum unum tantum est illud, quod à sterno separatum fuerat; secundum quod ab osse hyoide, tertium quod à subjectâ cartilagine cricoide separandum est, idque investigandum in parte anteriori, ubi arctè hæ duæ cartilagine connectuntur, satisque evidens est licet breve; separandum itaque à cricoide est diligenter, quia læditur facile ob suam tenuitatem, quo separato cartilagine musculos separare oportet cautè, ne musculi interni lædantur, quod evitabitur, si nihil carnosum in parte internâ ipsius thyroidis relinqvatur; cartilagine separatâ musculi ipsius inspiciendi sunt; an scilicet ad suam insertionem usque separati fuerint, an non; si primum, nihil aliud relinqvitur faciendum; si secus, separandi sunt & dimittendi. Remanent ultimò locò separandi musculi aritænoidis cartilaginis, cui musculi attribuntur. Tria paria sunt & unus sine sociò. Primum par cæteris clarius positum est in parte posteriore supra basin aut latiore partem Cricoidis cartilaginis, quod facili negotio ab ipsâ separatur ad insertionem usque, inter utrumque hunc musculum in parte superiori supra cricoidem inter unam & alteram portionem cartilaginum aritænoidis posita est carnosâ quædam substantia, quæ septimum musculum constituit, qui à subjectis membranis liberandus est, ut conspici possit. Tandem duo paria musculorum: unum antè pos-  
tum



tum, alterum lateraliter, ab invicem separanda sunt, quorum distinctionem ductus fibrarum docebit.

## CAPUT XI.

*De musculis dorsi & caput moventibus.*

**H**ic ordo ad evitandam difficultatem requiritur. Primò supra processus spinatos omnium vertebrarum à capite ad podicem duc lineam, eamque profundè, ut omnia integumenta communia feces, deindè duas transversales facies; unam in lumbis; alteram in collo ejusdem facies profunditatis; postea integumenta communia junctim separabis, ita ut in superioribus caput detegas ad altitudinem summitatis aurium, & lateraliter propè radices ipsarum, & totum collum detectum etiam habeas, in medio humeros, in superioribus, & etiam ad medium ipsius, deteges sic lumbos, & in parte inferiori portionem ossis sacri, marginem ossis ilei; indè ad musculos devenies, primò musculum separabis cucullarem seu trapezium dictum, initiò ab inferiori parte ipsius ducto, ascendendò versus superiora, ipsum separando à vertebrarum spinatis processibus. Cùm autem ad collum pervenies, observabis ipsum non nihil fieri tendinosum propè spinas vertebrarum, deindè carnosum ascendere ad caput, in quod membranosum inseritur; sed vera præcipuaque insertio ejus est in scapulæ superiorem partem, seu in processibus illius spinatum, ad quem progrediendo observabis musculum fortiter adhærere secundùm totam longitudinem processûs, à quo aliquantulum liberabis, & postea dimittes, relinqvendo ipsum adhærentem ca-



piti & summo humero. Postea latissimos dorsi dictos separabis, ducto initio ab eorum medio, & transversim procedendo versus vertebrae, ubi difficultatem habebis circa ultimas toracis & primas lumborum, quoniam ibi subjacet ferratus posticus major, qui facile simul extrahetur, si diligentia & patientia res agatur, quia principium ipsius tendinosum, quod a spinis harum vertebrarum habet, firmiter annectitur latissemi membranosa productioni. Cum hunc locum separaveris, facile postea tuam productionem latissemi deduces ad os usque sacrum, cui annexum relinques. Deinde versus humerum ascendens insertionem ejusdem latissemi deteges, cavendo dum sub margine anguli inferioris scapulae progredieris, ne rotundum musculus majorem laceres. Postea ferratum majorem separabis a spinis vertebrarum (ad costas deducendo) in quo nulla difficultas; deinde ad superiora ascendes, & primo rhomboidem a spinis ad scapulae basin deduces sine ullo studio praeter cautionem ferrati minoris, qui rhomboidi suppositus est, ac postea statim separandus occurrit eodem ordine, quo major. Post hunc splenius separabis, ducto initio a spinis & oblique ascendens versus caput, observando ipsum emittere tendinem evidentem in processum transversalem primae vertebrae, & tandem in mastoideum terminari. Ast major difficultas erit in complexo; Circa quem diligentiam adhibebis, observando ejusdem longitudinem, quoniam aliquando ad medium toracis fere descendit, ubi oportet diligenter progredi, ne lacerentur. Qui circumpositi sunt illius principis, liberabis, facileque ad caput deduces, quod altius quam fieri



fieri poterit, præstabis, ut obliqui superiores conspici queant; à scapulæ deindè angulo superiori videbis extendi muscolum, qvi ejusdem levator dicitur, hunc postea separabis, observandò ipsum variis tendinibus infigi in processus transversales vertebrarum colli, quos diligenter deteges; Postea descendes ad sacrolumbum, quem à longissimo distare aliquantùm videbis in parte superiori toracis. Ab hoc musculo enim advertes varios tendines emitti, qvi in singulas costas implantantur, à primâ ad ultimam. Hos tendines separabis lateraliter, ut elevari possint; deindè corpus musculi secundùm totam longitudinem à costis separabis, relinqvendo ipsum circà lumbos adnexum longissimo, quoniam ab ipso separari non potest, commune namqve illorum est principium. Ad longissimum postea te convertes, quem à semispinato in parte superiori facili negotio separabis, ac difficiliùs hoc erit, ubi descenderis, tendines hujus musculi videbis exporrigi in processus transversales vertebrarum, quos cum inveneris, facile separabis; ad superiora cum devenies in collo videbis portionem quandam, à quâ observabis demitti tendines, quoniam illius longissimi tendines ab inferioribus versùs superiora exporriguntur; hujus autem à superiobus versùs inferiora.

Hanc portionem existimo esse muscolum transversalem colli, ideò tendinem diligenter separabis; postea spinatum aut supra spinatum deteges, circà quem nil aliud faciendum, nisi quod ejusdem tendines, quos in spinas vertebrarum colli extendit, detegendi sunt, hoc præstabis, si processus ipsos diligenter prius inveneris

&



& postea cuspide cultri peruestigabis ipsos tendines. In parte superiori colli in spinam secundae vertebrae ad caput videbis extendi musculum recto ductu, quem capitis rectum vocant, hunc à capite separabis versus spinam, & sub ipso alterum pusillum à primâ vertebrâ ad caput pariter observabis, quem pari ratione separabis à lateribus; à capite in processum transversalem primae vertebrae videbis musculum carnosum, & huic in parte inferiori alterum oppositum à secundâ vertebrâ in eundem processum exporrectum; hos lateraliter separabis, relictis annexis in utroque extremo, horum primum obliquum superiorem, alterum obliquum inferiorem vocant. Semispinatum postea separabis eo modo, quo supra spinatum fecisti, deinde principium tendinosum longissimi & sacrolumbi à subjecto musculo sacro dicto separabis, observando propè os sacrum & spinas vertebrae lumborum hoc principium solum esse tendinosum, quare cave ne subjectum musculum laceres. Cum autem ad latus progredieris, videbis ipsum carnosum fieri, sed praecipue, ubi processibus transversalibus vertebrae lumborum adhæret, quos cum separaveris, cave ne subjectum quadratum lædas; quod evitabis, si sectionem inverteres à latere scilicet ad vertebrae, hæc principia sic junctim separabis usque ad primam costam, & postea dimittes. Quadratum lateraliter separabis, relinquendo ipsum annexum in inferiori & superiori parte. Tandem sacri musculi tendines peruestigabis eo ordine quo in supra spinatis & semi spinatis usus est. Et sic præparationem absolves.

CA-



## CAPUT XII.

*De musculis faciei.*

**S**I unquam in excoriatione opus fuit diligentia hinc utique erit; nam adeo arcte annectitur cutis in quibusdam locis, ut sine alterutrius læsione auferri non possit, sed expediet cutim ipsam parumper secare, quam subjectas partes. Opus itaque sic aggredere: in summitate capitis duc sectionem ab occipitio ad frontem & recta descendendo per medium ipsius nasi, labiorum & menti, faciem in duas æquas portiones divides. Hanc sectionem è regione aurium supra caput inter secabis ad angulos rectos, descendendo propè aures in partibus anterioribus usque ad collum. Postea angulum factum in parte dextrâ anteriori elevabis parum & simul cum pingvedinis pauca portione, quæ hinc esse solet, separabis, cavendo ut totam membranam carnosam relinques, quod præstabis instituendo sectionem in pingvedine: hanc separationem protrahes ad supercilia (pro ut placebit.) Postea sub pingvedine videbis membranam carnosam (capiti annexam) hanc separabis à pericranio sine multo negotio, ac ad eandem metam, ad quam cutim deduxisti, perduces. Postea pericranium separabis à subjecto osse, quod quidem pericranium, si duplex facere volueris, utique poteris; at quod ossi adnexum relinques ab ipso separabis, dorso cultri quasi abradendo diligenter, in quibus levis erit difficultas. Postea in eodem latere in parte posteriori cutim cum pingvedine separabis, relictâ pariter

E

mem



membranâ carnosâ, hocqve facies usque ad posteriora; ubi in occipitio post aures observabis annexam capiti portionem carnosam, subtilem, rotundæqve figuræ; hanc scias esse musculum occipitalem dictum, quem à superioribus elevabis ac in parte posteriori inferioriq; annexum relinques. Postea ad extrahendam cutim in parte finistrâ te accinges, in qua primò scias; Te semper idem præstiturum sub ipsa, ubi patientia & diligentia opus erit, & præcipuè cum ad nasi alas & labiorum confinia deveneris ob arctam connexionem; in collo aut nisi id præstiteris in præparatione musculorum laryngis relinquare debes membranam carnosam (hîc verè carnosam ideò platysma myodes appellatum) maxillæ inferiori annexam, ipsam diligenter separando à cute, quâ extractâ ad musculos devenies, & primo in fronte videbis musculum frontalem semicircularis ferè figuræ; hunc statim circumcirca separabis in superioribus & à lateribus, ac ab osse subjecto liberabis. Cum ad clausorem palpebrarum deveneris, quem circumtensum oculo observabis, ibi relinques, & ad hunc separandum te convertes; in quo nullus labor, nam circumcirca tantum secandus est, ac leviter in circuitû elevandus à lateribus pariter suprâ musculum temporalem, supraque aurem videbis inscriptionem musculosam perpendiculariter extensam, quæ à rotundo principio sensim angustatur, ac in partem superiorem auris infigitur; duas pariter alias videbis in parte auris posteriori, si cutim diligenter elevaveris, quas in tres partes dividunt anatomici, ac tres musculos posteriores auriculæ efformant. His separatis membranam quam muscu-



musculo temporali supertensam videbis, separabis, relinqvendo ipsam annexam ossi zygomatico. Postea musculum ipsum separabis, ducto initio à parte superiori, & descendendo observabis ipsum transire sub zygomate ac robusto tendinosoque fine in processum acutum maxillæ inferioris defigi. Hunc itaqve totum separabis, ac ab omnibus ossibus, (exceptô processû) liberabis. Postea ad nasum accedes, suprâ quem aliquando videbis musculosam perigrafiam ab acuto principio propè angulum internum oculi sensim sese dilatandô in alas nasi definere, hanc itaqve tali figura separabis quam cultro finges, (si scilicet non rectè apparet) propè ipsum angulum descendendo à portione primi ossis maxillæ superioris observa pariter alteram expansionem musculosam, quæ descendendo partim in confinio nasi, partim in labio superiori terminatur. Hæc portio constituit musculum naso & labio superiori, ad cuius latus externum, id est versûs aurem: Ast parum intimius ab eodem osse primô maxillæ superioris videbis exporrigi musculum pariter in ipsum labium, qui primum ipsius constituit, hunc musculum quandoque tanta pingvedine superfusum invenies, ut abesse videatur: ipsum itaqve purgabis ut appareat, & annexum principio & fine (ut & alios superiores) relinqves. Postea ab eodem osse, ubi Zygoma crassius, videbis prodire teretem musculum satis longum, qui obliquè descendendo in idem labium inseritur, hunc statim à circumfusa pingvedine liberabis, quem aliquando duplici principio præditum observabis. Deindè ab osse Zygomate videbis extendi musculum



brevem quidem, aut carnosum; qui rectè descendendo in maxillæ inferioris angulum valido fine figitur; hunc à suo principio liberabis, & parum à lateribus ac fine annexum relinques, isque est, qui Masseter vocatur; à cuius insertionis latere anteriori videbis assurgere obliquè non nihil musculum ac in labium inferius inferi; hic musculus latior est in ortu quam in insertione, à lateribusque tantum separandus est, & in medio à subiecto osse ut elevari queat. In parte anteriore menti obscuras quasdam lineas observabis recta adscendentes; ex quibus rectus musculus depressor labiorum constituit basiatorem seu oris sfincterem circumcirca separabis. Postea inter utramque maxillam, ubi os in sufflatione tumescit, observabis rotundum musculum, quem buccinatorem vocant, hunc circumcirca separabis, ablatâ (si erit) pingvedine, quæ supra ipsum solet esse. Remanent adhuc duo paria musculorum; de digastricis nihil dico, etiamsi ad hanc ostensionem spectent; quoniam separati fuere in præparatione laryngis, qui pterygoides dicuntur. Interni duo totidemque externi sunt. Hos inversò capite videbis à processibus alaribus ossis sfenoidei in maxillam inferiorem exporrigi, quorum, qui superior est, ac in processu obtusum condylum dictum infigitur, externus est; alter in eundem terminum, in quem masseter defigebatur, inplantatur, aut in parte interioris hoc ab invicem separabis, ut distinctè videri possint, quod facilius præstabis, si maxillam inferiorem in duas partes diviseris in medio menti, ac versùs exteriora convertes, tunc enim clarius apparebunt. Musculum qua-  
dra-



dratum maxillæ inferioris, qui Platysma myodes Galeni dicitur, rectius appensum relinques maxillæ dextræ, ne sit impedimento in separatione aliorum. Restant dilatantes alas nasi & constringentes muscoli ab Anatomicis propositi; de quibus nil dico, quia visum subterfugiunt, nec cultro effingi possunt, ast ratione tantum comprehenduntur, dicta ab actione, quæ dubio procul apparet existentia; (illorum argumento.)

### CAPUT XIII.

#### *De Cerebro & Cerebello.*

**I**N Cranii sectione melius est paulò declivem facere quàm supra, ut melius dissectari possit. Itaque cranio ablato, duræ matris ablationem prosequeris, in qua processum falcatum servabis, & finem tertium ejusdem meningis per medium excurrentem; hoc præstabis, si à parte posteriori ad interiora facies sectiones duas, quæ medium includant, & una ab altera distet latitudine unius digiti. Quibus peractis eam transversim ad aurium regionem deduces relicto medio intacto, post duræ matris avulsionem, piam elevare poteris eodem ordine, ast diligentia opus erit, quia subtilis est; licet aliquandò duram ferè æquet. Post hujus elevationem processum falcatum ab ossè ethmoide separabis, ac ad posteriora convertes. Hinc in partem dextram cerebri à sinistra deduces. In fundo videbis corpus albicans, quod callosum dicunt, ad cujus horizontem utramque partem cerebri secabis; observandò diversitatem superficiei ab interiori portione, quæ medulla; illa Cortex dicitur. Sub sectione statim apparebunt anteriores ventriculi cerebri. Si autem



primâ sectione ad ipsos non perveneris, poteris diligenter cerebri portiones iterum secare, donec ad eos devenias, in quibus duo observabis: primo: plexum choroidem dictum; qui nihil aliud est quam congeries venularum & arteriolarum, interpositis minutissimis glandulis; secundo: productionem quandam rotundam albicantem & eadem cerebri substantia, quæ descendendo concrevit & in latius principium definit. Hanc Arantius vocavit hyppocampus seu bombycem (ob similitudinem ad hæc animalia.) Hanc diligenter prosequeris ablata portione cerebri, quæ supposita illi est, diductoque nonnihil plexu choroide. Si diligens eris, videbis hos sinus etiam versus posteriora extendi, quod assequeris ablato diligenter cerebro per subtiles portiones. Postea speculum lucidum contemplaberis, quod est inter utrumque ventriculum in parte anteriori. Totum hoc interstitium diligenter elevabis, ac ad posteriora declinabis, observando, ut utrumque bombycem eleves, hocque interstitium fornix dicitur, cujus tria crura sunt, uterque bombyx duo constituit, tertium crus portio illa anterior supra speculum lucidum exporrectum. Hoc igitur ad posteriora converso, si cerebrum nonnihil diduces, tertius apparebit ventriculus, in quo versus posteriora primò observabis glandulam pinealem, ac sub ipsa quatuor eminentiolas albas, duas posteriores quas nates vocant & duas anteriores testes dictas. (*In ipsâ glandulâ pineali calculum olim observavi Jenâ in cadavere juvenili apoplexiâ extincto.*) Postea in parte anteriori ejusdem ventriculi videbis duas alias eminentiolas, quæ à posteriori versus anteriora



riora exporrecta sunt, inter se rimulam continentes dictam: pudendum muliebre, cuius transitus est ad infundibulum, paulo verò distat, qui anus vocatur: cavitatis exigua ad spinalis medullæ finem usquè producta. His contemplatis ad nervos devenies, & primò elevabis cerebrum in parte anteriori, quod diligenter faciendum, ne nervos olfactorios lædas; hos videbis residere suprà os ethmoideum, ab ipsoque manubrio cultri diligenter elevabis; quo peracto ad alios te convertes, at primò opus erit secare processus latos duræ matris, quibus cerebrum à cerebello distinguitur. In quorum sectione cavendus est nervulus, qui propè marginem, ubi cerebri inferiorem partem attingant, excurrit. Hoc observatò processu secabis propè ossa in circuitu, ac ad posteriora reduces; hinc si cerebrum elevabis, antè videbis primò post olfactorios nervos (qui inter septem paria cerebri haut numerantur) opticos, & sub opticis etiam motorium dictum; pauloq; post tertium & quartum simul, & sub ipso nervulum distinctum in principio & in ingressu, at qui postea quartò unitur. Deindè diligenter cerebrum à latere elevabis & hinc apparebit nervus auditorius, qui quinto loco numeratur, & sub illo multis filamentis sextum, ac tandem in profundo septimum contemplaberis. His consideratis ad cerebri cerebellique extractionem venies, secando in utraque parte nervos omnes, quod præstabis propè ingressum eorum in foramina ossium. At cum secaveris opticos, sub illis animadvertes infundibulum, quod in glandem pituitariam vergit, & tunc glandulam ipsam è suâ sede evelles, circumcirca dissectam



etiam prius & separatam ; postea nervorum dissectionem proseguere, quibus sectis, totum cerebrum abstrahere ac supra tabulam repones inversum, ut nervos iterum apparentes investiges. Inde infundibulum, postea pontem, qui nil aliud est quam portio cerebri, quæ ad spinalem medullam efformandam concurrit. Supra pontem observabis seriem arteriarum præcipue & venarum, à quibus rete dictum mirabile componitur. Spinali ab his medullam à cerebro elevabis parumper, ut cavitas, quæ inter ipsam & cerebellum est, appareat ; quartus dictus ventriculus cerebri, qui in spinali medulla incipiens calamo scriptorio similis ; calamus scriptorius vocari consuevit. Mox cerebrum aggredere, ac in medium ipsius inter utrumque lobum processum vermiformem dictum contemplaberis & si quarti ventriculi processum diligenter investigaveris, in cerebello apparebit lata quædam cavitas in duos fere semicirculos distracta, quæ Cisterna ab Arantio dicitur. Substantiam cerebelli postea considera & sic præparationem cerebri totius absolves. Restat ut extractâ durâ matre universâ, sinus ipsius repetas, qui quatuor numero ; duo dextrorsum sinistrorsumque per occipitis latera cerebellum obliquo ductu conscendunt. Hic venæ jugularis vestigia inter ramum majorem observabis. Tertius est, qui in medio follii continetur, seu falcati processus ; quartus infimus est inter cerebrum & cerebellum discurrens, hi omnes curram veluti efformant, cujus medius, ubi concurrunt omnes quatuor sinus, torcular vulgò herofilianum constituit, communisque ad singulos quatuor cavitas est.

CAPUT



**CAPUT XIV.***De Oculis.*

**O**Culos duplici modo extrahes; vel scalpro (ablatâ superiori & laterali portione ossis orbitæ; vel integra ea servata) In priori levis difficultas, si hoc tantum observes, ut propè ossa omnia separes junctim. In secundo aut major difficultas erit, & præcipuè in angulô internô, ubi opus est ut propè ipsum os separationem perficias, & diligenter (ob nexum tendinis musculi trochlearis,) quoniam ibi suæ trochleæ firmiter adhæret. Similiter in parte inferiori cavebis obliquam inferiorem, unô verbô, omnia separabis propè ipsa ossa diligenter admodum. Oculo evulso primò in parte superiori videbis musculum elevatorem palpebræ superioris, quem statim separabis ac ad palpebram deduces, simulque circumcirca ab oculô segregabis & repones. Postea musculos oculi aggredere, priusque trochlearem dictum investigabis, quoniam in præparatione aliorum tendo ipsius, qui transversim nonnihil fertur, lædi posset; hóc separatô ad alios devenies, in quibus si obliquum inferiorem observaveris, nullam habebis postea difficultatem. Musculis inventis circumfusam pinguedinem & membranosas portiones auferes oculumq; suprà tabulam extends, nervulos ad singulos musculos assignando. Membranarum separationes ita institues: bulbum (ita rotunditas oculi dicitur) à musculis separatum à posteriori parte inchoando versùs anteriora per longum divides forfice; primam tantummodo tunicam secando in tres aut quatuor partes, ut placebit.

F

Cum



Cum autem deveneris ad confinium corneæ, ligamentum observabis ciliare dictum quod crystallinum ad pupillam vinctum tenet; hoc observato, sine humores fluere in vitrum clarum, observando an cum illis ceciderit retiformis tunica, vel non? si non, investigabis eam sub uveâ & repones. Si ceciderit, ab humoribus separabis. Postea uveam à sclerotide divides manubrio cultri & suprâ tabulam extends simul cum ipsâ durâ, & sic totum opus perfecisti. Poteris tamen crystallinum quoque à vitreo separare, ut ejus forma specifica pateat. *Observavi curiosè in oculis vituli: ipsi in vitro claro (amplioris orificii) per menstruum tempus (putrefactione) resolvuntur per se in humorem limfaticum (crystallinum) irinum seu materiam primam seri lactescentis (jucundissimo spectaculo.) Sapienti sat. Glandula lacrymalis est foraminulenta, ut setam porcinam in nasum admittat. Ut demonstravit olim Oculatus Professor B. D. Rolfincius P. P. in Almâ Salanâ. Duo vasa lymfame eventientia invenit Steno; ut & puncta lacrymalia in limbo palpebrarum breves demittere canaliculos in nares desinentes, qui demonstrantur: si cautè diffractis narium ossibus tunicae relinquantur integræ, mox enim ubi ossa penetraverint in sinum ampliati narium tunicae continuantur. In externo angulo duo quoque foramina patentia post Aquapendentem invenit Marchettus. Præter hæc in utriusque palpebræ extrema ora seu tarfi internâ parte, ductus novos palpebrarum seu ostiola ultra triginta in toto limbo descripsit Magnificus D. Meibomius Senior P. P. venerandus à se observata ex totidè distinctis glandulis; quæ pressæ humorem fundant per ostia hæc limbi. Ast eosdem hosce ductus*



*Etus hygrophthalmicos vocat Borrichius; cui quoque forsan (eodem tempore) visi sunt; quos potius hygroblefarios dicendos vult Segerus. Teste Illustri Bartolino. Usus conveniens utrique est: humorem seu lymfam oculis continuo instillare ad liberiores motum & siccitatem oculorum impediendam &c.*

## CAPUT XV.

### *De auribus.*

Circa auriculam levis remanet labor cum superius præparati fuerint ejusdem musculi; eam itaq; ab osse separabis & in parte posteriori ipsius supra cartilagineam incurvatam omnia integumenta separabis, postea os petrosum ferrâ secabis, ne cultrum intromittas in meatum auditorium, aliàs musculum externum facile læderes. Deinde inter processum mastoideum & styloideum observabis nervulum egredientem ibi per foramen, quem diligenter servabis. Osse purgatô ad musculos venies, quorum primum invenies in meatu auditorio; ast cultri operâ eget, ut formam acquirat. Ideoque inferiorem partem ipsius meatûs scalpro auferas, (cavendô, ne laceres membranam tympani, quam deteges, ut videri commodè queat;) dein musculum videbis in parte superiori, (sed potius membranam credes quam musculum,) crassior nihilominus est & membranis carnosior, ideoque pro musculo habetur. Cultrô parumper efformabis separabisque ab osse & ad membranam usque deduces. Secundus musculus qui internus dicitur, in situ osseo proprio latitat; qui situs est supra ingressum venæ jugularis internæ. Itaque



è regione prioris musculi videbis versùs partem acutam ejusdem ossis petrosi ingressum venæ, aut saltem foramen, quod ingrediebatur suprà hoc foramen non-nihil lateraliter versùs partem internam capitis progrediendo versùs tympanum, si os diligenter scalpro fregeris, observabis teretem, (licet pusillum musculum) qui exterius progrediens in tendinem desinit, qui parùm assurgens in malleum inferitur; ubi opus est diligentia ob ipsius exilitatem, & præcipuè cum tendinem ex toto separare volueris ab ossè, ut clarè appareat ejusdem insertio. Hoc præstabis cuspide cultri. Ast in nervis major est difficultas & præcipuè in eo, qui sub malleo excurrit, hoc tamen sic investigabis: Primò in ossè, in quo hos nervos præparare volueris plexum Mastoideum & styloideum auferes, totamque partem inferiorem meatûs auditorii; item musculum externum & membranam tympani, in quâ extrahenda cave ne nervulum lædas, is enim excurrit sub malleo propè marginem foraminis tympani, qui meatum respicit, membrana detracta & nervulo observato, os ipsum scalpro deradere & nervos detegere incipies, ducto initio, ubi exeunt simul inter processum mastoideum & styloideum, (ut dictum est.) Hinc versùs tympanum ascendens audacter, ast cum parumper detexeris, cautiùs incedes donec conjunctionem utriusque reperias, quam investigabis, deradendo os summa patientia; ea inventa crassiozem dimittes nervum, ac solius minoris curam habebis, progrediendo versùs ingressus illius in os, quod non procul à malleo observabis, versùs ipsum igitur ascendens abradendo leviter & diligenter os donec nervulum



lum detegas, quem à suo canaliculo extrahes cuspide cultri. Postquam ex toto detexeris, quò factò negotiò, crassiore paulò ulteriùs detegere poteris, ast parum quoniam nimis profundè demergitur. His sic præparatis ad ingressum nervi auditorii accedes, & progressum illius deteges scalpro, donec in duas partes divisum videas. Hinc dimissa molliori parte, quæ in cochleæ centrum inseritur, ad alteram ulteriùs detegendam prosequeris, ubi diligentiam opus erit, quia facile frangitur. Posses postea ferrâ transversum os secare propè insertionem nervi mollioris, sic enim cochleæ cavitas apparebit. Ast hîc opus est se exercere in ficcatis ossibus, multumque prodest nervorum in istis investigare progressum, quoniam licet absint nervi eorum, nihilominus canaliculi rectè apparent.

## CAPUT XVI.

### *De musculis brachii.*

**B**Rachium primò à corpore separabis largiter secando. Postea illud excoriabis, ubi nulla difficultas, nisi in volâ manus; quia tendo palmaris musculi fortiter adhæret cuti, & si aliquâ diligentiam uteris, non habebis difficultatem. Cute extractâ musculorum partes superfluas in superioribus abjicies. Primò anteriùs pectoralis portionem relinqves, ut insertionem ostendere possis; deindè ferratum minorem, & sub clavium ex toto separabis, sic posteriùs relicta portione latisimi dorsi, ferratum anteriorem majorem à scapulæ basi; item rhomboidem levatoremque scapulæ & cucullaris portionem; postea ad duos musculos separandos



accedes, & primò deltoidem separabis à clavicula & à processu spinato scapulæ, undè originem sumit, & descendendo eum produces ad insertionem suam. Postea suprà spinatum separabis & infra scapularem seu immersum; indè rotundum majorem, in quibus nulla difficultas. Investigabis præterea rotundum minorem, qui aliquando vix ab infra scripto secernitur; difficultatem superabis, si ad insertionem in os humeri recurre, quam distinctam invenies, & postea retrò cedendo unum ab altero separabis: deindè infra spinatum à scapula liberabis. Scias tamen rotundum utrumque relinqvendum esse principio & insertioni suæ annexum; hac occasione poteris deducere portionem latisimi ad suam insertionem. Deindè ad cubiti flexores & extensores devenies, & primò anteriùs flexores separabis, qui duo sunt: biceps scilicet & brachieus; propè unum ex principiis bicipitis, imò ipsi annexum videbis musculum coracoidem dictum, quem à bicipite separabis, dein ipsummet bicipitem, in quo levissimus labor. Brachium pariter ab osse humeri (suò principiò annexo relictò) liberabis; postea extensores cubiti, qui tres ab aliquibus numerantur, quorum primus à scapulæ cervice originem sumit, alter infra caput humeri, tertius inferius, hos in suis principiis ab invicem divides, ast in progressu junctos relinqves, quia impossibile est eos sejungere absque enormi laceratione. Ad manum postea devenies, in qua ordo vix dici potest, ast musculi separandi sunt, prout se offerunt, quod si aliquis scribi (ordo & methodus) debeat; talis esse poterit: (ut Myologia.) Primò musculos flexores dictos separa,

&



& inter hos prius palmarem, quem continuò modò, quo soles in aliis uti, separabis, relinqvendo scilicet eum annexum suæ origini & seperando ab insertione; in qua observabis, ut expansum ejus tendinem per volem manus latiore, quo fieri poterit, relinqvas. Hic musculus aliquando abest; ast tendo semper reperitur, tuncque oritur à ligamento ossium carpi, cui annexum relinqves. Postea dissecto eodem ligamento apparebunt tendines, flexores digitorum, at prius separare poteris flexores carpi, quorum unum ad pollicis basin, alterum ad minimi digiti ostendere videbis. His separatis ad flexores digitorum devenies; & primò observabis duos amplos musculos, qui in plures possent dividi, horum qui externus est, flexor secundi internodii & forator dicitur; subjectus verò perforans, & flexor tertii internodii vocatur. Hos primò ab invicem separabis, ducto initio à tendinibus in carpi regione, observando, uti unicuique quatuor relinqvantur tendines. Postea separabis, in quibus levis erit labor, si scias superiores ad secunda internodia ferri, & in duas findi portiones propè insertionem, ut aditum subjectis præbeant. Inferiores aut diligentius separabis & observabis ipsis annexos musculos lumbricales, quos statim separabis; dein tendines flectentes tertium internodium deduces ad ipsa internodia. Postea flexorem tertii internodii pollicis separabis, qui crassus & magnus est, ac sine labore separare poteris; Postea à ligamento carpi videbis carneum corpus ascendere ad radicem secundi ossis pollicis. Hoc corpus in duas divides partes, & sic duos abductores pollicis habebis. Postea in



volâ manus observabile latum & expansum corpus carnosum, quod ad pollicem pariter tendit, ac è regione superiori inferitur, hoc in quatuor partes dividendum est, quarum tres distinctæ apparent, alia quarta ferè beneficio cultri facienda est. His separatis brachium inverte, & ad extensores devenies, in quibus ferè ordinem eundem, quem in flexoribus, servabis; nam extensores secundi & tertii internodii simul separandi ac ab invicem segregandi sunt in principio, at in progressu tendines separari nequeunt; ideò junctim deducendi sunt ad tertium internodium usquè. Mirum hîc observabis lusum naturæ; nam aliquando extensor secundi internodii minimi digiti abest; quandoque in uno digito duplex observatur, modo cum extensore pollicis communio reperitur, & aliquando carpo adhæret aliqua portio. Itaq; prout videbis naturam fecisse, sic tu cultro facies. Post hos separabis extensores carpi, item pronatores radii, longum pariter supinatorum utrumq; & pronatorem quadratum, quem ab ulna ad radium deduces. Pariter separabis extensorem pollicis; in quibus omnibus levis requiritur labor. In cubito, si rectè observabis, videbis distinctam portionem carneam transversim incedentem, quæ musculus anconeum constituit, hunc à lateribus separabis, ac ortui & insertioni annexum relinques. Quibus omnibus separatis, ad internodios osseos accedes, hos levi negotio separabis, si digitos ab invicem diduces ac ligamentum inter utrumq; positum in fine metacarpi & principio digitorum secabis, quia statim apparebit insertio internorum & externorum in parte  
ex-



externâ manus propè os metacarpi, quod minimò digito subjicitur, separabis abductorem ejusdem minimi digiti; sic à pollice ad indicem videbis musculum singularem, quem pollicis alii assignant, ego indicis esse existimo. Dum extensores carpi separabis; observabis propè illum, qui versùs pollicem fertur alium musculum, qui ossi metacarpi, quod indici est subiectum, infigitur ac indicator dicitur. Observabis carpi extensores multoties ferri in Metacarpum; præcipue illum, qui pollicem respicit. (De his satis.)

## CAPUT XVII.

### *De musculis pedis.*

**I**N ultimâ hâc operatione non spernendus requiritur labor ob musculorum multitudinem. Suppositò igitur, quod sine cadavere toto musculos pedis singulos demonstrare velis, primò musculum Psöas à lumbis separabis, descendendo versùs femur, donec ejus continuationem cum iliaco interno reperiās; postea eum dimittes, & in parte posteriori omnia secabis propè os sacrum secundum ejus longitudinem, quod rectè propè os facies. Deinde ossa pubis ab invicem separabis; postea cuspide cultri pervestigabis conjunctionem ossis sacri cum ileo & hanc secare tentabis, quod fiet feliciter. Deinde vî deduces præparandum femur ab altero, itaque ex totò separabis, ac suprà tabulam repones, ac ad ejus excoriationem accedes. In quâ primò tibi observandus venit tendo musculi membranosi, qui totum femur & crus involvit, hunc servabis. Si primam sectionem facies diligenter in parte externâ, ob-

G

serva-



fervabis illum sub membrana carnosâ; qvo reperto, non multum laborandum erit; solum circa plantam pedis res ardua erit. Ubi cavendum, ne expansionem tendinosam, quæ sub ipsa protenditur, lædas, quod facile evitabis patientia. Cute extracta primò separabis musculum iliacum internum ab osse ileon, usque ad insertionem suam cum Psöas. Deinde ad membranosum devenies; hunc invenies facilius in portione sui tendinis seu membranæ in parte interna, supernaque femoris separabis, ac versus ipsum ascendens, qvo reperto, ab osse separabis, ac versus inferiora deduces. In separatione autem istius musculi non est necesse, ut totum tendinem ferves, sed satis erit, si portionem integram relinqvas & eam anteriorem; ut possis ostendere concurrere illum quoque ad involvendam patellam. Hoc musculo separato, sartorium divides, & postea ipsum lividum, quæ ab osse pubis transversim in femur ferri observabis. Ast ab ipso descendendo separabis bicipitem, quæ relinques adhærentem toti longitudini lineæ asperæ femoris, post quos poteris rectum separare; item vastos & crureum, in quibus nulla difficultas, uti etiam in gracili & semi nervoso, semi-membranoso & bicipite; si tantum caveas partem inferiorem hujus musculi, quæ originem trahit à medio femore. In parte superiori gluteos tres observabis separabisque, quorum major infra trochanteres descendit, medius autem & minor in trochanterem minorem inseritur. In parte posteriori, ubi os sacrum adhærebat, paulò infra conjunctionem ejus cum ileo, pyriformem videbis musculum, qui transversim fertur

in



in finum trochanteris, hunc separabis, & postea ad obturatorem internum venies, quem in parte internâ foraminis, (quod ossi pubis assignatur) expansum videbis; hunc circumcircuitâ separabis animadvertesque ipsum ferri suo tendine suprâ tuberculum ossis; qui factò flexû in marsupium recipitur, ac in trochanterem definit. Sub uno videbis quadratum, quem à lateribus separabis; postea ad obturatorem externum devenies, quem ut rectè separare possis, oportet lividum à suo principio separare, tunc obturatorem observabis factò flexû transversim ferri in trochanterem, ad quem deduces paucò labore. Postea ad musculos tarfi accedes, quos separabis, prout sese offerent, in parte posteriori primo gasterocnemios, & sub eis solem habebis. In parte at superiori inter utrumque plantarem dictum, (pusillum sed conspicuum) & eo magis mirabilem, cum naturâ eum collocârit inter tot vastos. Sub his videbis transversim sub poplite musculum dictum sub popliteum, quem à lateribus separabis circa flexores ac extensores. Eadem ferè est ratio ac in manû; differunt tamen, quod flexor secundi internodii oritur in planta pedis ab osse calcis, & flexor tertii ex eodem loco carneam recipit portionem, à qua postea lumbricales oriuntur. Ast ut hos musculos detegere possis, opus erit tendinosam expansionem ibidem existentem separare, relinqvendo illam calci annexam. Postea abductorem pollicis & minimi digiti separabis, & hîc etiam observabis adductorem majorem pollicis & minorem; ast minorem cavebis diligenter, quia transversim fertur, & aliquandò adeò pusillus est, ac in



pingvedine adeò involutus, ut vix observari queat, nisi summâ adhibitâ cautione. Circâ extensorem digitorum observabilis est extensor secundi internodii in dorso pedis oriundi, qui suis tendinibus conjungitur cum extensore tertii, ut in manibus quoque fit; reliquos extensores & flexores, prout sese ostendent, separabis; inde lumbricales & inter osseos, ut in manû. Reliquum est, ut patientia rei magnitudine compensetur.

## CAPUT XVIII.

*Speculum anatomicum corporis humani partiumque præcipuarum usum demonstrans (vid. æconomia corporis animalis D. Bonii P. P.)*

Nemo potest rectè curare morbos, nisi prius universi corporis naturam perspexerit I. M. M. c. 2. Alias majori fortuna quàm prudentia, quis ægrotis mederi videbitur (*ut empiricus miser.*) Scitè igitur & sapienter, ut cætera, Galenus; Metodum acqvirendæ partium cognitionis proponens, eam diligenti dissectione & ἐγχειρήσεων ἀνατομικῶν beneficio comparari afferit. 2. *ad Glauc.* 1. Tantum nunquàm tribuendum librorum abundantia, quantum oculari demonstrationi & fideli autopsiæ, quam unicum opus, unicum studium esse vult, *Idem l. 1. adm. anat. c. 2. 2. Us. p. 3.* Vera tamen plurima, partim Gal. in L. de us. p. & admin. anat. partim Arist. de partibus, historia & generatione animalium reliquit, quæ recentior ætas utilissimis observationibus auxit. Decet aut inprimis anatomia studiosum μεγαλοψύχον καὶ θυμώδη maganimum & animosum



mosum esse, ne corporum, violentâ morte extinctorum, contrectationem exhorrescat. *Etenim anatomia est artificiosa dissectio partium corporis, eum ob finem à Medicis instituenda, ut præter cujuslibet partis usum singularem, è vitâ defunctis certius discant, quid in vivis pro sanitatis tutelâ moliri possint.* Hinc & medico & filosofo utilis est, ut rationem reddere queant affectionum, ex 1. *part. anim.* 1. Eligendum aut pro subiecto ex animalium ordine est corpus humanum ut perfectissimum; aut quod ad ejus fabricam proximè accedit, inque partibus conformatio & usus seu actio præcipuè consideranda. (*Origo ipsi in utero materno ex fœcundo parentum semine est.*) Partes ejus duplices: similes & dissimiles; quarum illæ ad harum constitutionem pertinent. Ante dissectionem universum corpus in 3. ventres & artus rectè distingvitur. Ventres sunt insignes cavitates & velut corporis regiones, intrâ quas natura partes, habitudine & actione diversas collocavit: *Infimus*, (à quô anatomen ordimur,) expanso peritonæo à cartilagine ensiformi ad usque ossa pubis definitus, abdomen appellatur. *Medius; torax*, (obtenfâ pleura circumscriptus;) fontem vitalis caloris Cor & ejus ventilabra pulmones possidet. *Supremus*; caput, robustis cranii velut mœnibus, cerebrum, sensorium commune, comprehendit ac tuetur, & quicquid prima colli vertebra terminatur, includit. Quibus regionibus medici tres generales facultates assignare, iisque instrumenta peculiaria subjicere solent; ut infimo naturalia, Medio vitalia; supremo animalia subserviant. (*De superiore ventre vid. Willis. in*



*anatomia cerebri.*) Inter naturalia dominium obtinere (juxtà cor) videtur hepar (*ut officina secundaria sanguificationis*) pars dissimilariis in dextro reposita hypochondrio; vi παρεγχύματος recurrentem venæ portæ sangvinem, & novum è chylo ven: lact: à se elaboratum ad venæ cavæ propagines trajiciens, ut cordi perfectior offeratur. Ad illius actionem lien occurrit, viscus finistri hypochondrii; susceptum chylum calore suo in sangvinem coquens, & refluxum in venæ portæ trunco sangvinem tam pulsu; quàm dilutione per hepar ad cor promovens. (*ut officina depurationis.*) Inter quæ duo viscera interjacet *ventriculus*, (*χυλώσεως officina:*) cui intestina, mesenterium, omentum, pancreas operas suas diversimodè locant. Renibus *last* separatio seri à sangvine debetur, quod separatum dein per ureteres ad vesicam colligitur, & statutis temporibus excernitur. (*Hinc indè urina in jecore generatur; in renibus percolatur; in vesicâ p. t. retinetur.*) Uroscopia nunquàm contemnenda (*ex crassâ ignorantia anatomicâ.*) Ast *urinae* mutatio à sanguinis motu intestino p. n. aucto perturbatoque ortum trahit, dum hæc continuo sanguinis (*per arterias emulgentes*) in renum substantia impulsu per nullam digestionem; precipitationem, fusionem, fermentationem aut attractionem, sed solam renum vasculo-glandulosam texturam in illis secernitur & excernitur (*precipitatione naturali*) glandule enim renales *urinae* sunt organum excretorium; tubuli ast sunt fibræ glandulis his continuæ porosæ; canaliculosæ maximam renum compagem spongiosam (sui generis carnosam) constituentes excretorium: (à particulis secretis) excretisque colorem (*ut sulfur*)



fur) consistentiam (terream,) & contenta (oleosa) ∴ accipit; hinc M. S. viscerum crasi & discrasia illarumque particularum constitutione vid. Malpig. de renibus p. m. 288. ut verum fatear, in corpore præter pulmones non est alia pars, quæ exundantis sanguinis injuriis magis subji- ciatur ejusque vitia facilius indicare compatiendõ possit quam renes. E. non contemnendum signum exhibet illis, qui norunt, à talibus particulis talem seu talem modifica- tionem lucis (à sulfure) contingere, ex quâ (in microcos- mi mare mediterraneo) hujus seu illius coloris affectio produci potest. E. color nihil aliud est quam lux (sulfur) in corpore poroso diversimodè modificata & ad oculos re- flexa, ut de sanguinis colore flammeo (qualis frequentius in febribus occurrit) verosimiliter colligi potest (eruditâ conjecturâ) illum à varia modificatione particularum su- perficialium sulfurearum oleosarum seu aliarum à salinis (ope motûs intensioris) exaltatarum dependere, quâ lux ad oculos inde repercussa ita disponitur, ut talibus diver- sis deindè pressionibus organa visus nostri irradiat in U- roscopia (Sapienti sat.) Præter has partes, alimenti elaboratione individui sustentationi inservientes, aliæ quoque generationi ac speciei conservationi utrique sexui sunt. In mare quidem ad seminis productio- nem comparata sunt vasa præparantia, pampiniformia, epididymides, testes, parastatæ variciformes, vasa de- ferentia. Ad ejusdem ast effusionem vasa ejaculantia cum membro virili. In fœmina at feminalis materiæ proventum spectant vasa præparantia, testes, vasa per- ficientia, quibus continuantur excernentia; fœtus con- ceptionem uterus. A naturalibus hisce infimi ventris  
feclu-



secluduntur interventu diafragmatis vitalia organa Medii, Cor & pulmones. *Cor* est pars organica ex binis ventriculis & auriculis alternatim, (dum vita superest) pro caloris vitalis per sanguinis motum continuatione se contrahentibus & relaxantibus, tantô extructa artificiô, ut summa prudentia & potentia naturæ in ejus structura confluxisse videantur. Hinc inter omnia viscera facilè princeps est, cum reliquarum facultatum quasi basis & fundamentum sit, sedes & fomes ignis nativi; scaturigo spiritus vitalis, domicilium animæ; primum vivens & ultimum moriens. Eo enim vigente, omnes actiones vigent; languente languent, quiescente planè abolentur. Adeoque solum hoc in corpore regit & imperat, propriaque autoritate (præfide archæo microcosmi) agit; reliqua ab hujus nutu dependent. Nam ut in politicis, ita in fysicis πολυκοιρανίη οὐκ ἀγαθόν. Ipsi utrinque adstant pulmones; calorem pectoris (respirationis usû) ventilantes formandæque in laringe voci æerem suppeditantes. Porro animali facultati cerebrum, sensu umque particularium & motus voluntarii organa subjiciuntur. *Cerebrum* pars est dissimilariis e puriore seminis portione producta, substantiâ suâ fungosâ combibitos spiritus vitales in animales elaborans, & ad continuatam sibi spinalem medullam derivans ventriculorumque cavitatibus redundantes humiditates expurgans. Sensuum particularium, seu externorum organa sunt oculi visui; aures auditui; nares olfactui, lingua gustui, partesque membranosæ tactui inservientes. Motus aut voluntarii instrumenta partes musculosæ habentur.

Mem-



Membranæ sunt partes similes, tenues, latæ, pellucidæ, sensu exquisitô præditæ, è lentâ & viscida seminis portione genitæ ad partes alias muniendas, & à se invicem distingvendas. Musculi sunt instrumenta motus voluntarii, è fibris nervosis & carneis conflata, ὀργανὰ τῆς κινήσεως καὶ ὁρμῆς *Aristot.* dicta, & *Gal.* 10. de *Us.* p. 9. Nominis ratio est, quod plerique murem referant excoriatum, vel musculum oblongum piscem; vel ἀπὸ τοῦ μύειν, quod est contrahere. (Contractio est eorum propria actio.) (Hinc vulnera musculorum ut plurimum periculosa.) Hæc de corporis ventribus; quorum medio & infimo artus, communi manuum apprehendentium, pedumque ambulantium significatione notati adaptantur. (*Reliqua vid. apud Stenonem & Bartolinum.*) Ne autem hæcenus allatæ corporis partes injuriis quibusvis externis expositæ perpetuò læderentur; natura quatuor integumentis munivit; cuticulâ cute, pingvedine, & membrana carnosâ. Cuticula est pellucida, tenuis & albicans membranula, cuti arctè cohærens, eamque obtegens. Cutis est velamentum membranofum & porosum, pilisque passim obfitum, quod partibus inductum fuligines emittit, injurias externas abercet, & tactilium qualitatibus excessus metitur. Cuti substrata pingvedo, substantia corporis unctuosâ est; ex oleagineâ & proportionata materia producta, quæ penetrabiles frigidi noxas excludit & immodicam humidi absorptionem prohibet. Sub pingvedine corpori circumtenditur membrana seu panniculus carnosus, è membrana fibrisque carneis muscularis compositus. Néve laxa systematis moles colla-

H

bere-



beretur, carnibus ossa pro sustentaculis adjecit, quæ sunt partes præ cæteris ficciores & duriores, ad totius fulcimentum, nexuum firmitatem & motus voluntarii robur affectæ. Quamobrem variè & concinnè inter se aptantur, atq; junguntur, ut flecti, extendiq; possint. Quin ut motus voluntarius esset commodior, extrema ossium cartilaginibus Dædala natura lubricavit, quæ sunt partes frigida & sicca, è crassa seminis portione, caloris vi conerescente, ad motuum varietatem & facilitatem efformatæ. In quâ motus agitatione, ne ossa faciliè divellerentur, arctissimis vinculis colligavit, quæ ligamenta nominamus. Eademq; provida parens extremis digitis tam ad apprehensionis robur, quàm incessus securitatem ungvium laminas veluti clausulas apposuit. Denique ne è laborum frequentia partes, seu publico seu privato bono operentur, fatiscerent, vasorum canales prolongavit, & sanguine ac spiritu affatim transeunte earum communi indigentia prospexit. Nam quemadmodum arteria sanguinem, commune alimentum, vitali flammâ accensum in universi corporis tractus à corde propulsum diffundunt; ita nervi spiritum sensus & motus autorem, è cerebro quaquaversus transferunt. Venæ autem utrumq; liquorem è partibus, quo minùs subsistens ipsis oneri sit cum corruptionis periculo, retrahunt & valvularum in capacitate repositarum, adminiculo ad Cor derivant, ut ejus calore redintegretur, & denù partibus impertiatur; hacque ratione vitalis flamma cum sanguinis motu reciproco continuetur & conservetur. Vasa autem ista, ne, dum suspenduntur aut divaricantur, periclitentur, glandula fulciunt & densiores



res & rariores, quæ etiam humiditates absorbent; ut in pancreate mammis, tymo, aliisque videre est. Atque hæc obiter pro instituti ratione designata sufficiant: quibus satis patet: naturam in vitæ nostræ conservandæ necessariis nequē defecisse, nequē abundasse.

## CAPUT XIX.

### *De Sanitate perfectâ.*

**S**ANITAS est spirituum ac fermentorum, à quibus omnis functio est (*in microcosmo*) (constitutio debita ac naturalis (*potestatum vigorem appellat eam* Illustris ab Helmont.) atque hoc ipso fit, ut functiones omnes totius œconomiae animalis ritè rectèque se habeant, atque sic sumus sani dum stomachus benè concoquit cibum, impresso aciditatis suæ temperatae caractere, acidum à bile transmutatur in salum ac separantur excrementa; quorum non minùs ac stercorea corruptio à fermento est; liberè tunc chylus sanguinem influit, jugi cum eò motu in similem substantiam abit seu separatur pro indigentiae ratione in gratiam seminis, lactis. Sanguis ipse dum in vivifico suo motu impedimentum non patitur & particulas suas volatiles balsamicas in spirituum pabulum seu materiam concedit, illique luce vitali debite insigniuntur, in organis dein functiones suas perficiunt superfluum cum sudore & urinâ abit. Idque omne à causis, spiritibus ac fermentis. Hæc est anatomia seu constitutio sanitatis. Vita aut formaliter in luce consistit, & mors est extinctio Luminis vitalis (*Mysticè: mors temporalis in sacris somno comparatur, & dicitur mors prima; (aut secunda mors est propria damnatorum, & vocatur corporis*



*ris & animæ æternalis vid. apoc. 2. v. II.) Galenus dicit : Sanos esse, qui actiones debite perficiunt ; ast hoc est ab effectu judicare & ita pulcritudo, juxta Aristotelem sanitatis effectus, definitionem ingredi deberet. Causam sanitatis temperiem statuunt veteres ; ast illa unionem mixtionis non ingreditur. Organica ast informatio & unitas in mortuis superest. Sennertus dicit : *Sanitatem esse accidentalem*, quod dubium videtur. Ast secundum nos : spiritus & fermenta essentialia sunt. Hinc sanitas est potentia actiones exercendi à constitutione regulari spirituum & naturali dependens : Subjectum *partes solidæ, humores, spiritus*. Causa *formalis ; anima ; materialis ; partes*. Causa efficiens intrinseca : *temperamenta, organitas, unitas*. Causa extrinseca : *res supra naturalis : Deus*. Causæ non naturales *sex, aër, cibus, potus, &c.* Effectus sunt *actiones animales, naturales, vitales. Excreta ; retenta ; qualitates ; color &c.**

Sapienti sat.

Θεῶ ὑψιμέδοντι ἑπαινος !



ANNO M DCC. quo orbis Christianus jubilat!











